

**URB**  
**FUNDAMEN-**  
**TALIA**  
**TERRARUM**  
**PRUSSIÆ,**

UNA CUM PACTO FEUDI DISTRI-  
CTUUM LEOBURGENSIS ET BYTHOVI-  
ENSIS, CÆTERISQUE EOSDEM  
DISTRICTUS CONCERNENTI-  
BUS MONUMENTIS.

---

*G E D A N I,*  
TYPIS JOANNIS JACOBI PREUSSII.  
ANNO DOMINI MDCCXXXIII.



FUNDAMENTUM


TALLA

TERRARUM

PRUSSIAE



Pol. 8. II. 305





## AMICE LECTOR!



Ura Majorum Noſtrorum virtute parta ,  
 Regumque perpetuæ erga Maieſtatem  
 Suam fidelitatis, ſimul ac conſtantis in  
 Rempubicam ſtudii æſtimatrice cle-  
 mentia in hunc diem aucta , iterum Luci publicæ  
 exponuntur. Ea ſaltem quæ ſpeciales Terrarum  
 Pruffiæ prærogativas generaliter ediſſerunt , hōc  
 libellō contineri videbis ; cū reliquæ ( vix juſto  
 volumine enarranda ) Regum Privilegia , Reſcripta ,  
 Sponſiones, ac Decreta , quibus Jura Pruffica Opti-  
 morum Principum liberalitas & juſtitia ſtabilivit , vel  
 immunitatibus fidæ Gentis , inſultantium temerita-  
 tem , cōercuit, hiſce ceu baſi & fundamento inni-  
 tuntur. Hinc eſt , quōd Jura hæc Terrarum  
 Pruffiæ Fundamentalìa dicere placuit , utpote Digni-  
 tati Provinciæ , reique argumento convenientiori  
 appellatione. Inclyti Diſtriſtus Leoburgeniſis &



Bythoviensis, sub diverso Dominio iisdem tamen Nobiscum legibus vivunt, ac eadem Pruthenæ libertatis aurâ spirant: Quos cum ob integritatem suam Respublica à corpore Provinciæ avelleret; Jurium communione, tuendæque immunitatis, sæpe repetitis sponsonibus, arctius complexa est. Pactum, quò memorati Districtus Serenissimo Divæ memoriæ FRIDERICO WILHELMO, Marchioni & Electori Brandenburgico in feudum Anno 1658. dati sunt; & quàm securè Leoburgenses Bythoviensesque Privilegiis ac Juribus suis Potentissimorum Regum ac Reipublicæ Polorum Præsidiò fruuntur, hîc aditum reperies. Optandum ut eadem communis Patriæ Jura, quæ in promptu sunt, Civium cordi tenaciùs adhæreant, ne quod Majores multo sanguine ac facultatum suarum dispendiò acquisivèrè, turpi Successorum ignaviâ amittatur.

PRI-





# PRIVILEGIUM CULMEN SE

Anno 1233. datum.

Anno 1251. renovatum.



RATER EBERHARDUS dictus de SETNE, Præceptor Domus Sanctæ Mariæ Theutonicorum per Alemaniam, & vices gerens Magistri Generalis per Livoniam & Prussiam, Universis Christi fidelibus præsentem paginam inspecturis, orationes in Domino JESU Christo.

NOVERIT Universitas vestra, quòd Nos, cùm ad partes Prussię pro negociis plurimis venissemus promovendis, inter alia, quæ nobis definienda occurrerunt ibidem negotia, Cives Culmen. ac Thorunen. turbatos invenimus pro eorum Privilegio, quondam eis à Magistro nostro bonæ memoriæ Fratre HERMANNO dicto de SALTZA, & Fratre HERMANNO BALKONE, primo ejusdem Terræ Commendatore, donato & postmodum per incendium Civitatis Culmensis amisso, cujus rei veritatem à Fratribus nostris ac aliis viris honestis Nos plenius cognoscentes, de communi consilio Fratrum nostrorum ibidem existentium, pariter & consensu, dictos Cives lætificantes, Privilegium prædictum ipsis restaurandum duximus, in hunc modum,



Frater HERMANNUS, Domus Hospitalis Sanctæ Mariæ Theutonicorum Iherosol. Magister, & Frater HERMANNUS BALKO, ejusdem Ordinis in Prussia Provisor, nec non totus ejusdem Domus Conventus, universis Christi fidelibus, hanc paginam inspecturis, Salutem in vero Salutari.

Quantò plura quantoque majora Culmen. Terræ, ac præcipuè Civitatum nostrarum Incolæ, Culmensis scilicet & Thorunensis, tum pro Christianitatis defensione, tum pro Domus nostræ promotione, discrimina sustinebant, tantò ardentius atque efficacius in omnibus, quibus cum Justitia possumus, eis adesse volumus & debemus. Hinc est, quòd iisdem Civitatibus hanc indulgimus perpetualiter libertatem, ut earum Cives eligant sibi in iisdem Civitatibus singulos Judices annuatim, qui Domui nostræ & Communitati Civitatum competant earundem: Eisdemque Judicibus cessimus perpetualiter de parte tertia mulctarum Judicialium, pro culpis majoribus pensatarum, pœnam minorum excessuum, quæ Quotidiana dicitur, videlicet XII. nummos, & infra, eis totaliter concedendo, ita ut quicquid de talibus Judex infra tribunal indulserit, de quatuor solidis videlicet & infra, id etiam ex parte Domus nostræ sit indultum. Veruntamen de majoribus culpis, ut sunt homicidia, sanguinis effusio & his similia, Judex absque Fratrum nostrorum assensu nihil remittat, Nos etiam partes illas, quæ Nos contigerint, in iisdem Judiciis vendere vel infeodare cuiquam non debemus.

Igitur Civitati Culmensi dedimus ad prata, pascua, & alios usus communes, à terminis cujusdam Villæ, quæ Ust appellatur, per descensum Wissæ, usque ad terminos cujusdam Lacus, qui dicitur Rensehe, & de ipso Lacu ascendendo usque ad Villam, quæ Rude vocatur, & juxta terminos ejusdem Villæ usque ad aliam Villam Lunawe dictam, & sic directè ad viam, quæ ducit ad Insulam S. Mariæ, per viam verò directè usque ad terminos cujusdam Villæ, quæ Grobene dicitur, & sic ulterius ad Vallem, quæ Browina nuncupatur. Nec hoc tacendum est, quòd liberum erit piscari sæpèdictis Civibus in prædicto Lacu, qui dicitur Rensehe, sicut & nobis. Præterea supradicta Bona tam in sylvis, quam in pratis & agris, cum omni utilitate, quam Domus nostra percipere posset, exinde dicti Cives in perpetuum liberè possidebunt, Flumen verò Wissam à  
Villa



Villa quadam, quæ dicitur Topulna, per descensum, usque ad Lacum, quæ Rensche vocatur, cum omni utilitate, exceptis Insulis & Castoribus, ad communes usus piscandi, prædictis Civibus & peregrinis duximus assignandum. Civitati verò Thorun. idem Flumen in longitudine ac terminis Domini Cujaviensis Episcopi ad unum milliare descendendo, & in terra in latitudine circa Wislam circumquaque per dimidium milliare, cum omni utilitate, exceptis Insulis & Castoribus, ad communes usus Civium & peregrinorum duximus assignandum.

Statuimus autem, in eisdem Civitatibus Jura Megdeburgensia in omnibus sententiis in perpetuum observari, hoc indultò, ut cum Reus aliquis Megdeburgh in sexaginta solidis puniri debeat, hic in triginta solidis Culmen. monetæ multetur, eodem modò in culpis aliis proportionaliter observando. Si verò aliquis dubietatis scrupulus de Jure judiciario, vel de Juris judiciarii sententiis Civitatibus emerferit, in eisdem idem Articulus à Culmensis Civitatis Consulibus requiratur, quia eandem Civitatem Capitaalem esse volumus, ac digniorem inter alias jam constructas, & si quæ adhuc infra Wislam, Ozzam & Driwanzam construentur. Dicti verò Cives ac feudales earundem Civitatum de communi consensu cesserunt de Jure, quod in Wisla super Navigio hætenus habuerunt, ipsum cum omni utilitate Domui nostræ liberè resignando, hac tamen conditione præmissa, quòd Nos dictum Navigium pro Summa, quanta volumus & possumus, locare seu vendere debeamus hominibus, quibus voluerimus, qui in Civitatibus, Culmensi videlicet & Thorunensi, residentes Justitiam exhibeant unicuiquè & accipiant coram Civitatum Judicibus earundem, & naulum usque ad præsens consuetum debeamus, absque augmento aliquo deinceps observare. Hyemali verò tempore, cum fuerit glacies, Fratres de consilio Judicum & Consulium earundem Civitatum naulum statuunt, ut eorum discretioni videbitur expedire. Statuimus etiam, ut omnes Clerici & viri religiosi, de quacunque religione extiterint, absque omni naulo perpetualiter cum rebus eorum, quas secum habuerint, traducantur. Quòd si quis ex ductoribus navium ex prædictis aliquem traducere ausu temerario contradixerit, leviori culpæ subjaceat, quali scilicet quatuor solidorum pœna consuevit ascribi.

Promi-



Promissimus etiam, ut in eisdem Civitatibus nullas domos emere debeamus; Si verò aliquis domum aut aream suam Domui nostræ contulerit intuitu pietatis, eam ad alios usus construere non debeamus, nisi ad quos aliquis ex civibus construit domum suam, & eadem exinde Jura & consuetudines observare, quæ ad quas alii de suis domibus observabunt. In his tamen conditionibus Munitiones nostras, quas in eisdem Civitatibus jam habemus, volumus non includi.

Parochiam in Culmine dotavimus quatuor mansis juxta Civitatem, & aliis quadraginta, ubi eisdem fuerint demonstrati. Parochiam verò Thorunensem dotavimus quatuor mansis juxta Civitatem, & aliis quadraginta, ubi ei fuerint assignati. Et in eisdem Ecclesiis Jus Patronatûs nostræ Domui retinemus, eis in Plebanis idoneis provisorum. Cæterum si aliquæ Parochiæ in Villis supradictorum Civium fabricatæ fuerint, si tum Villarum singulæ earundem octuaginta mansos vel amplius habuerint, promissimus Parochiarum quamlibet prædictarum quatuor mansis de nostra speciali parte dotare, & Jus Patronatûs habebimus perpetuò in dotatis, eis etiam in idoneis Sacerdotibus provisorum.

Adhæc statuimus, ut si qua fortè quæstio contra aliquem de Bonis suis orta fuerit, si possessor vicinos ac alios conterraneos suos, quibus notum fuerit, rem taliter se habere, & testimonium justæ possessionis habuerit, potius debeat obtinere Bona illa, quàm is, qui eum impetit, ab ipso eadem Bona alienet. Absolvimus autem prædictos Cives ab omnibus Collectis injustis & hospitationibus coactivis aliisque exactionibus indebitis, ad omnia Bona eis attinentia hanc gratiam extendentes. Porro eisdem Civibus nostris vendidimus Bona sua, quæ à Domo nostra habere noscuntur ad hæreditatem flammigicalem, ipsis & eorum hæredibus utriusque sexûs, ea cum omnibus proventibus in perpetuum liberè possidenda, salvo tamen his, quæ Domui nostræ per totam Terram duximus retinenda. Retinemus enim Domui nostræ in Bonis eorum omnes lacus, castores, venas salis, auri argentique fodinas, & omne genus metalli, præter ferrum, ita ut tamen Inventor auri, sive is, in cujus Bonis inventum fuerit, idem Jus habeat, quod in Terra Ducis Silesiæ, in hujusmodi, talibus est concessum. Inventor autem argenti, sive is,



is, in cujus agris inventum fuerit, Jus Fribergense in hujusmodi inventione perpetualiter obtinebit. Quod si Lacus aliquis ad tres tractus sufficiens agris alicujus prædictorum Civium adjunctus fuerit, si is, cujus agri sunt, eundem lacum loco agrorum acceptare voluerit, in sua ponimus optione. Si verò major fuerit, quòcunque instrumentò in eo piscari voluerit, ad commodum duntaxat mensæ suæ, præter rete, quod Newod dicitur, habeat liberam facultatem. Item si rivus aliquis agros alicujus Civis attigerit, ei, cujus agri fuerint, solummodò molendinum ædificare liceat in eodem: Si verò idem fluvius aptus fuerit pluribus molendinis, Domus nostra in construendis eisdem aliis tertiam partem priorum sumptuum faciat, & percipiat perpetualiter tertiam partem usum de constructis. Volumus etiam, ut de qualibet fera, quam ipsi vel eorum homines ceperint, exceptis ursis, porcis, & capreolis, armum dextrum Domui nostræ reddere teneantur. Sanè quod de Lacubus, molendinis seu feris posuimus, ad illos duntaxat Cives extendimus, qui à Domo nostra, sicut supradictum est, hæreditati esse noscuntur. Ipsis etiam hanc contulimus libertatem, ut Bona sua quæ à Domo nostra possident, vendendi talibus sanè, qui Terræ ac Domui nostræ benè competant, habeant facultatem, ita ut hi, qui ea emerint, de manu Fratrum suscipiant, & Domui nostræ ad idem Jus idemque servitium teneantur, quod illi nobis exinde facere debuerunt, & nos ea ipsis porrigere sine ulla difficultate debemus. Licentiamus etiam, si fortè aliquis antedictorum Civium necessitatis causâ allodium suum, vel X. mansos ad majus, ab aliis Bonis suis separare voluerit & vendere separatim, is idem Jus idemque servitium Domui nostræ debet facere de reliquo, quod priùs de toto noscitur debuisse. Is verò, qui idem allodium vel X. mansos emerit, debet ratione ejusdem allodii cum armatura, quæ Plata vulgariter dicitur, & aliis levibus armis & uno equo, ad arma talia competente, Domui nostræ ad tale obsequium esse astrictus, quale inferiùs plenius describetur, addentes, ut nullus eorum, qui nunc à Domo nostra hæreditati esse noscuntur, hæreditatem aliquam possit emere præter unam. Statuimus siquidem, ut, quicumque XL. mansos vel ampliùs à Domo nostra emerit, is cum plenis armis & dextrario operto, & armis talibus competente, & aliis duabus ad minus equitet. Qui verò



pauciores mansos habuerit, cum Plata & aliis levioribus armis, & uno equo, ad arina talia competente, debet cum Fratribus nostris in expeditionem, quoties ab eis requisitus fuerit, pergere contra Pruthenos, qui Pomezani largô vocabulô nuncupantur, & contra omnes Terræ Culmensis turbatores: Cùm verò præfati Pomezani in Terra Culmensi, præstante Domino, fuerint ulterius meritò non timendi, omnes Cives prædicti ab omnibus expeditionibus sunt exempti; ad defensionem tamen Terræ, videlicet usque ad Wissam, Ozzam & Driwanzam cum Fratribus procedere tenebuntur, ut prædictum est, contra Terræ quoslibet invasores. Item statuimus, ut quilibet homo, hæreditatem à Domo nostra habens, Fratribus nostris solvat exinde unum nummum Coloniensem, vel pro eo quinque Culmenses & pondus duarum marcarum ceræ, in recognitionem dominii, & in signum, quòd eadem bona sua habet à Domo nostra, & nostræ debeat jurisdictioni subesse, & Nos eum favorabiliter confovendo contra eos, qui sibi injuriam intulerint, debemus, in quantum possumus, nostrum præsidium impartiri. Prædictum autem censum singulis annis in die Beati Martini, vel ab ipso ad XV. dies dare debent. Quicumque autem in prædicto termino non dederit censum suum, taliter puniatur: Post primos XV. dies in X. solidis; Elapsis verò aliis XV. nisi persolverit, X. solidorum debito sit affrictus; Item evolutis aliis XV. diebus tertio in aliis X. solidis, si non solverit censum suum, puniatur, & tunc pro his XXX. solidis, & pro censu suo tempore, non soluto, ejus pignora, sine omni contradictione, accipi faciet, & habebit accepta, donec ei satisfaciat, Domus nostra. Item si fortè aliquis debitum obsequium suum, quod Domui nostræ debere dignoscitur in expeditionibus peragendis, non impenderit, & absens fuerit, Provisor Terræ de Bonis absentis alium statuatur loco sui, sic ut Domus nostra sui Juris in hac parte sentiat nullatenus detrimentum. Item statuimus, ut si fortè aliquis ex prædictis Civibus recedens à Terra pactiones suas Domui nostræ non fuerit prosecutus, eidem infra XVIII. septimanas tres termini cum sententia præfigantur; Quòd si infra easdem XVIII. septimanas non satisfecerit, pœnæ XXX. solidorum nostræ Domui reddendorum subjacebit; Et si nec tunc emendaverit, singulis sex septimanis ad satisfactionem in totidem Culmensis monetæ solidis compellatur;



latur; Si verò infra annum neglexerit emendare; Domus nostra se de omnibus Bonis suis, donec satisfaciât ei de omnibus, intro-mittat. Volumus autem, ut de Bonis prædictorum Civium, de quo-libet aratro Teutonicali unus modius tritici, & unus siliginis in mensura Wladislaviensi, quæ vulgari nomine *Scheffel* dicitur, cui mensura Culmenfis est adæquata, & de Polonicali aratro, quod *Hale* dicitur, unus modius tritici, in eadem mensura annuatim Diœcesis Episcopo pro Decimis persolvatur. Si verò idem Episcopus prædictos homines pro aliis Decimis angariaverit, pro his Domus nostra tenebitur respondere. Item statuimus, ut una moneta, Culmenfis videlicet, sit per totam Terram, & ut de puro & mundo argento denarii fabricentur, ipsi quoque denarii in tanto valore perpetuali-ter perseverent, ut eorum LX. solidi ponderent unam Marcam, & dicta moneta non nisi semel in singulis decenniis renovetur, & quo-ties renovata fuerit, XII. novi nummi pro XIII. veteribusambi-antur, ut unusquisque liberè emat quamcunque rem, quæ venalis in foro portari consuevit. Item quantitatem mansorum juxta mo-rem flammingicalem statuimus observari. Absolvimus etiam totam Terram prædictam ab omni penitus teloneï exactione.

Et ne præmissæ Constitutiones, Promissiones ac Pactiones ab aliquo Successorum nostrorum infringi valeant aut mutari, præsen-tem paginam conscribi fecimus. eam bullarum nostrarum appensio-nibus roborando. Hujus rei testes sunt Fratres nostri, Poppo de Osterna, Albertus de Langenberch, Theodoricus Marschalcus, Ber-lewinus in Culmine, Ludowicus in Quidzin Provisores; Seculares verò Burchardus Burggravius Megdebergensis, Joannes de Pach, Fridericus de Scherwest, Bernhardus de Kamenz, & alii quamplures, tam religiosi, quàm seculares. Acta sunt hæc in Thorun Anno in-carnationis Dominicæ Millesimo Ducentesimo trigesimo tertio, quinto Calendas Januarii. Quoniam igitur hoc Privilegium per Nos Fratrem EBERHARDUM de SERNE est renovatum, de consi-lilio Fratrum nostrorum, Civiumque sæpèdictorum consensu, quædam in eo sunt mutata, articulis scilicet quibusdam exceptis, & quibusdam interpositis, qui in Privilegio non continebantur antiquo. Ut autem hæc nostra felix donatio firma & inconcussa permaneat, nec in-po-sterum ab aliquo possit infringi; Cives quoque dicti super hac sui



mutatione Privilegii nullum penitus gravamen sustineant, præsentem paginam Sigilli nostri munimine roboramus. Hujus rei testes sunt Fratres nostri, Ludowicus Provisor Prussiæ, Henricus Cömendator Terræ Culmenfis, Henricus Marschalcus, Henricus Stango in Christeburch, Harthmundus in Elbingo, Mengotus in Balga, Quhalo in Zantir, Joannes in Culmine, Ravino in Thorun, Hertwicus in Redino Commendatores, Fratresque Domus Seniores, Theodoricus de Sulinge, Conradus de Norenberch, Volpertus de Marpurg, Henricus de Moguntia: Seculares verò Joannes Scultetus, Reinico, Razo, Radolphus, Ludeko, Eckehardus, Wasmundus, Cives Culmenfes: Feodales verò Hildebrandus Senior, Gotfridus, Fridericus de Neu, Wilhelmus, Hermannus Schultetus in Thorun, Dithardus, Conradus, Lampertus, Lutdehus, & alii quamplures, tam Religiosi, quàm Seculares. Datum in Culmine, Anno incarnationis Dominicæ Millesimo, ducentesimo, quinquagesimo primo, Calendis Octobris, &c.

## PRIVILEGIUM TERRARUM PRUSSIÆ, à D. CASIMIRO, POLONIÆ REGE,

Earum Incolis, cum excusso Cruciferorum jugo in sua essent potestate, & spontaneam deditionem fecissent, concessum.

ANNO 1454.

**I**N Nomine Domini, Amen. Ad perpetuam rei memoriam. Nos CASIMIRUS, Dei Gratia Rex Poloniæ, nec non Cracoviæ, Sandomiriæ, Siradiæ, Lanciciæ, Cujaviæ, Magnus Dux Lithvaniæ, Russiæ, Prussiæ, Culmenfis, Kynsbergensis, Elbingensis, & Pomeraniæ Terrarum Dominus & Hæres. Benignitas Regalis Excellentia nostræ, quam illi propitia inspirat divinitas, & naturalis ori-



originalisque præstat instinctus, etsi universos, justum præsidium nostrum & tutelam expetentes in sinum miserationis & protectionis suscipit; ad illorum tamen profectus, defensionem & commoda inclinatur uberius, qui erga Nos & Regnum nostrum tam fervido cordis feruntur affectu, ut calamitates oppressionesque suas hactenus illis regentium tyrannide multifariè illatas, non per alterius nisi per nostram dextram credant facilius rescindi, nec cujuspiam throno, quàm nostro, à quo priscis temporibus illicita alienatio exciderant, justius posse & regi & contineri, non tam superbo & avaro, quàm injusto renunciando imperio; Talium siquidem firma constantia fidesque sincera non solum dignis laudum præconiis attolli, verùm etiam Regalium meretur & debet beneficiis compensari. Significamus itaque universis tam præsentibus quam futuris, qualiter etsi Prælatorum Spiritualium & Secularium, Magnificorum, Strenuorum, Nobilium, Militarium & prudentium, videlicet Terrigenarum, Civium & universæ Communitatis Terrarum Prussiæ, Culmensis, Kynsbergensis, Elbingensis & Pomeraniæ, crebris precibus & legationibus superioribus temporibus fuisset rogati, quatenus ipsos in eorum Juribus, libertatibus, immunitatibus & Privilegiis; Et signanter in Unione & Liga, per ipsos ritè & sincerè inita & condita, per Magistrumque & Ordinem Prussiæ admissa, ad cujus enervationem & violationem Magister & Ordo variis viis, coloribus & violentiis hactenus usus est, in quorum firmitate & collapsu fœdus pacis perpetuæ, cum Magistro & Ordine Cruciferorum Sanctæ Mariæ de Prussia, per germanum nostrum Divæ memoriæ Serenissimum Principem Dominum WLADISLAUM Poloniæ & Hungariæ Regem firmatum, subsistentia dependet vel ruina, & quod præfatus Magister & Ordo, Liga & Unione eorum demolita, dirumpere novaque bella nobis & Regno nostro inferre destinabant, ipsosque Militares & Cives injusta secum gerere bella impellebant, manu tenere & defensare dignaremur: Asserentes, se jugum oppressionum, calamitatum & gravaminum, hactenus à Magistro & Ordine cervicibus eorum violenta tyrannide innexum, & præfatæ Unionis & Ligæ rupturam nullatenus, nisi provisio nostra, qui Ordinis illius Fundator, Dotator & Patronus sumus, celeriter intervenerit, toleraturos: Nos tamen nullum eorum calamitati præstandum censui-



mus suffragium, sed parti utrique reconciliationi persuasimus esse insistendum, ne alere oriens incendium videremur.

Verum cum temporis processu differentia partium adeò crescendo invalesceret, ut Prælati Spirituales & Seculares, Militares, Terrigenæ & Cives Terrarum prædictarum, spe extrema destituti, & injuriarum magnitudine pressi, violentis Dominis, Jura & Privilegia atque Immunitates eorum pro libitu frangentibus, nullatenus sibi de cætero parendum duxerunt, sed legibus divinis & humanis innixi, quæ injustis Dominis, scelus & nefas agentibus, nullatenus parendum decernunt: Obedientia & Subjectione Magistro & Ordini subtracta, Nos per Magnificos & Spectabiles milites, Prudentesque viros Joannem de Baysen, Augustinum de Schewe, Gabrielem de Baysen, Nicolaum de Wolkowo Judicem Dirschoviensem, Laurentium Czeitz Culmensensem, Ruthigerum de Birken Thorunensem, Laurentium Pilgrim Elbingensem. Præconsules, Joannem Call Brunspariensem, Gregorium Schwach Crolowgrodensensem, Nicolaum Rodeman de Knypow, Wilhelmum Jordan militem, & Joannem Meidburg Gedanenses Consules, ambasiatores & nuncios suos cum pleno mandato & legatione ad nos transmissos novis precibus & legationibus sollicitarent, quatenus non jam tantum eorum defensionem, quantum gubernationi & regimini insistere, deditioemque eorum, subjectionem, fidelitatem & perpetuam obedientiam, quam Nobis suo & omnium Prælatorum Spiritualium & Secularium, Militarium, Terrigenarum, Civium & Incolarum Universitatis totius Terrarum prædictarum nominibus obtulerunt, suscipere, velut legitimus, justus & verus Dominus & Hæres Terrarum prædictarum, ac Terras præfatas ad naturam & sortem suam redeuntes, Regno Poloniae, à cujus corpore, nova & recenti memoriâ, contra jus fasque sequestrata fuerant, incorporare, inviscerare, reunire, appropriare atque consociare & consolidare dignaremur; Alterius principatum & deditioem, si regimen, & imperium, non tam per eos Nobis delatum quam redditum, abjici contingeret, quasituri.

Nos superiora cogitatione & animo revolventes tempora, quibus nonnullæ ex Terris prædictis per Reges & Principes Poloniae jure legitimò & hæreditariò possessæ, tandem prædecessori nostro WLADISLAO Regi Poloniae, bellò cum finitimis & infidelibus

occu-



occupatō, vi & armis per Magistrum & Ordinem Prussiæ abstractæ, nunquā Juris & proprietatis Regni nostræ Poloniæ esse desiderant; Quemadmodū aliquot Sedis Apostolicæ Delegatorum, Terras ipsas Regno Poloniæ adjudicantium, diffinitivæ Sententiæ infalibili concludunt argumento. Revolventes insuper, Magistrum & Ordinem Prussiæ à Prædecessoribus quondam nostris Poloniæ Principibus & Dominis ad impugnationem infidelium accersitum, institutum & dotatum, magis fidelium & præsertim eorum Principum, quorum beneficio instituti dotatique erant, quā barbarorum & infidelium impugnationi, contra quos se indefessè militaturos patientibus literis astrinxerant, vacavisse, Terrasque eorum usurpasse, nec juxta professionem Religionis suæ contra infideles Tartaros aut Turcos, Catholica Regna & Dominia infestantes, quamvis eorum crebrō expetitum fuisset auxilium, militasse: Sed & insuper Reges Poloniæ cum Tartaris aliisque infidelibus bella gerentes à tergo invasos à gerendo bello in præsens & posterum cum infidelibus avertisse, & suspicionem belli ab illis imminenti veritos, potentiis distractis & contra illorum insidias relictis, vacare infidelium impugnationi nullatenus, sicut expediebat Christianæ fidei potuisse. Quā insuper fragili & fluxa fide erga clarissimum Genitorem nostrum Dominum WLADISLAUM Poloniæ Regem fuerint, quater per ipsos rupta violataque fœdera, totiesque Regno Poloniæ per eos illata arma, quibus Regnum Poloniæ in suam redigere ditionem destina-verant, nisi cladibus multiplicibus obruti domitque fuissent: Nec unquam illis voluntatem Nos & Regnum Poloniæ laceffendi, sed facultatem defuisse, petita per illos à Concilio Basiliensi & Sede Apostolica, de rumpendo fœdere, ultimō cum Regno nostro sancito, licentia demonstrant. Silentio tegere non possumus injuriam Magistrī & Ordinis Prussiæ in exigenda à Mercatoribus subditisque nostris Dacia Guntzhol, quæ licet ex fœdere exigi à nostris transmarinisque mercatoribus non debebat, si Prussiæ mercatores ab illa solvi quoquō modō contigisset: Continuata tamen fuit pluribus annis hujusmodi in nostris transmarinisq; Mercatoribus exactio, Prussiæ Mercatoribus illius obtinentibus in notabili parte relaxationem.

Portiones & sortes Terrarum Regni nostri Poloniæ & Ducatūs Lithvaniæ Magni, priscis temporibus per Magistrum & Ordinem occu-



occupatas, non solum Nobis, Regno Poloniæ, & Ducatui Magno Lithvaniæ juxta fœderis ordinationem Magister & Ordo Prussiæ non restituit, sed insuper plura & ampliora occupavit.

Accedit tristis horrendæque Tyrannidis memoria, Civium de Chosczo, qui in præterito bello in fidem Pacis nostri concesserant, sæva cades & trucidatio, quorum à se defectionem nedum ferro aut mucrone, sed nec aliquo levi verbo aut memoria ullo unquam tempore se Juramentò corporali & literis repromiserunt, per fœdus ultimò cum illis ictum, & quo solo hujusmodi execrando scelere publicè violârunt, mulctaturos.

Quò non contenti, Mercatorem Virum Moszier ex eo, quòd navigiis per flumen Wisla in Cracoviam merces devexerat, capitali damnaverunt sententiâ, ne memorabilis sui facti exemplum cæteros in sequelam similem traheret, sed potius sæva mulctatio quoslibet deterrendo profectum Regni nostri aboleret.


His itaque & pluribus aliis evidentibus legitimisque respectibus persuasi, admoniti & inducti, communicato cum Prælatis, Principibus, Baronibus, cæterisque Regnorum, Ducatum & Dominiorum nostrorum consilio, ac de eorum expressâ voluntate, approbatione, gratificatione & consensu, ne divinæ voluntati, quæ hæreditatem nostram occupatione illicita solvendam nobisque reddendam pia miseratione censuit, videamur resistere, & calamitosi afflictisque subditis nostris opem nostram implorantibus deesse: Veritique, ne Dominia, sortes & Terras & hæreditates nostras alius illicitus occupator Tyrannusque, ex quo nobis hostilitas major confurgeret, invadat: Ad honorem omnipotentis Dei, ejusque Genitricis Virginis Mariæ, S. Adalberti Martyris, Sancti Stanislai Prothomartyris Poloniæ ac totius Hyrarchiæ cœlestis, præfatorum Prælatorum Spirituum, & Secularium, Militarium, Civium, Terrigenarum & omnium Incolarum Terrarum Prussiæ, Culmensis, Kynsbergenfis, Elbingensis & Pomeraniæ, in terra marique sitarum, benevolam & spontaneam deditionem, regimen, tutelam, gubernationem, subjectionem, obedientiam, accepimus, assumpsimus, tenoreque præsentium, non per errorem aut improvidè, sed de certa nostra scientia & voluntate, in Dei nomine assumimus & acceptamus, Terrasque & Dominia prædicta Regno Poloniæ reintegramus, reunimus, invisceramus & incor-



incorporamus, & ad usum, participationem omnium honorum, jurium & libertatum, & prærogativarum, quibus Prælati, Barones & Nobiles Regni Poloniae hætenus potiti sunt, & signanter ad futurorum Regum Poloniae, quotiescunque super Electione & Coronatione illorum fieri deliberationem contingat, Electionem & Coronationem admittimus, annectimus & includimus: Promittentes pro Nobis, Hæredibus & Successoribus nostris, ac universo Regno Poloniae, quod prædictas Terras & Dominia, atque Prælatos Spirituales & Seculares, Barones, Milites, Nobiles, Cives, Oppidanos & cujuscunque conditionis, status & præminentiae homines existant, hætenus in illis commorantes & in posterum comoratos, favore, gratia, benevolentia & affectione Regali prosequemur, & contra quascunque adversitates, impugnationes quorumcunque hominum illis præstabimus, velut fidelibus & subditis nostris, Regalem assistentiam & defensam: Nec illos aut Terras prædictas à corpore & integritate Regni nostri Poloniae alienari, sequestrari, scindi patiemur. Promittentes insuper pro Nobis, Hæredibus & Successoribus nostris, quod præfatos Prælatos, Spirituales & Seculares, ac Sacras Aedes & Ecclesias, Barones, Nobiles & Cives atque singulos Incolas Terrarum nostrarum prædictarum Prussiae, in Juribus, libertatibus, literis, Privilegiis, immunitatibus eorum, quæ à Principibus Spiritualibus & Secularibus, Regibus & Dominis Terrarum prædictarum obtinent, conservabimus, fovebimus, defendemus, nec unquam ea violabimus aut prævaricabimur, aut violari vel prævaricari quomodolibet permittemus. Si autem alicui Civitati vel privatae personae Privilegium amissum fuerit, aliud de Consilio Consiliariorum Terrarum illarum gratiosè dabimus & largiemur, dummodò in hæreditatis & Bonorum, quorum à Nobis petetur literalis innovatio, petens fuerit in pacifica, continua, & præscriptionem habente possessione. Ut autem nostræ liberalitatis, æquitatis & justitiæ dextram, his subjectionis eorum & nostræ acceptationis felicibus, dante Domino, primitiis, sentiant in universos & quemlibet eorum effusam, & in mutatione Principum commutatam etiam & sublatam deprehendant oppressiorem, Daciam, quæ in vulgari *Suntbesol* dicitur; Item alia omnia telonea in aquis & terra, nova aut antiqua observantia, in terra duntaxat prædictis Prussiae quomodolibet constituta: Item in Terra

Pome-

C





Pomeraniæ exactionem sive Daciam, quæ Porcus, alias Narzafz, veteri institutione Ducum Poloniæ vocabatur, Regia munificentia tollimus, abrogamus, deponimus, ac solutionem illarum perpetuis temporibus resolvimus, dimittimus & relaxamus, nullo unquam tempore per Nos aut Successores nostros Poloniæ Reges, ex quâcunque causâ aut occasione instituendam aut imponendam. Item licet Magister & Ordo tempore occupationis Terrarum prædictarum omnia bona & merces quarumcunque manerierum, divina permissione naufragium in mari passorum, velut propria ex naufragio quasi Juris sui facta occupabant, nos tamen, qui Rex Catholicus sumus, sortem hujusmodi naturali & divino Jure Sedisque Apostolicæ decreto damnatam, velut crudelem & injustam execramur, pollicemurque, quòd res & bona, cujuscunque ponderis & valoris existant, earum personarum, quæ maris naufragio periclitabuntur, nunquam per Nos aut Officiales nostros, velut nostras aut Juris nostri petemus aut requiremus, sed illas absque diminutione per eos, quorum ante naufragium fuerunt, aut eorum propinquiore, demonstratione evidenti propinquitatem probantes, colligendas & in usus beneplacitos decernimus convertendas: Contrariæ consuetudini aut Juri, vel potius corruptelæ, pro Nobis & Successoribus nostris renunciando, nisi fortè nullus bonorum hujusmodi exstaret justus Hæres & Successor; Quoniàm in casu illo bona, ex naufragio habita, nostræ volumus potestati subjacere. Item omnes Prælatos, Militares, Nobiles, Cives & Incolas Terrarum prædictarum in Jus, conditionem & proprietatem Regni Poloniæ translatos & invisceratos, hac etiam prosequemur Prærogativa, quòd Dignitates & Officia hætenus illic consistentia & in posterum constituenda: Item Castra & Tenutas Civitatum & locorum in Terris prædictis, nulli extraneo aut forensi, sed proprio Indigenæ juxta observantiam aliarum Terrarum Regni nostri conferemus. Item omnes causas notabiles, dictas Terras concernentes, cum communi Consiliariorum Spirituum & Secularium, Nobilium & Civitatum Majorum Consilio Terrarum prædictarum terminabimus, tractabimus & diffiniemus. Item Terras prædictas sub nostro Regimine & Regni Poloniæ corpore consistentes, in suis antiquis gadibus, limitibus & terminis conservabimus, tuebimur & defendemus, nec terminos & gades Terrarum ipsa-



ipsarum in aliquo diminui vel periclitari, velut Regni nostri partes individuas, ullatenus patiemur. Item cum Terræ ipsæ & homines ipsas incolentes variis hæcenus Legibus sive Juribus, videlicet Magdeburgensibus & Culmensibus, Polonicali hæreditario & Pruthenico, in decidendis quibusvis eorum quæstionibus & administratione justitiæ utebantur, quod etiam illis sub nostro Principatu & regimine volumus firmum esse & perenne: Eâ licentiâ attributâ, ut liceat cuicunque de uno Jure in aliud, sine tamen aliorum præjudicio, quò voluerit transmigrare. Item cum Monetæ justam & fidelem ligam pondusque habentis cussio Terram quamlibet & nobilitet & fœcundet: Volumus, ut in quatuor locis Terrarum prædictarum, videlicet in Thorun, Gdansk & Elbing, & Kynsberg, duntaxat gwerra præsentis durante, fidelis justa, imaginem nostram & subscriptionem tituli nostri continens, Moneta cudatur, præfatorum Prælatorum Spiritualium & Secularium, Militarium, Civium, Terrigenarum Terrarum prædictarum impensis. Pace autem Domino suffragante, habita, tantum in Thorun & in Gdansk, sine præjudicio Privilegii Thorunensis Civitatis, Nostri Regalibus cudatur impensis; Provisio tamen, quòd Moneta ipsa in pondere, & grano & liga debita nullatenus minuatur.

Item quia Nos pro benè gerendis rebus Dominiorum nostrorum in varia sæpè locata & à Terris prædictis distantia necesse est facere descensum, ne igitur per nostram absentiam Terræ ipsæ aliquod contrahere possent periculum & periclitationem: Nobiles viros pro illius tuitione & gubernatione, de eorum legalitate, fide & merito confisi, ad nostræ duntaxat beneplacitum, voluntatis, ac cum consilio Prælatorum, Consiliariorum, Civitatum Majorum, prædictæ Terræ deputabimus, ad quos in nostri absentia super quolibet defectu & eventu habeatur recursus, providentiâ, provisione & auctoritate illorum supplendus & emendandus. Item Mercatoribus Terrarum prædictarum Prussiæ in Regnum, Ducatus & Dominia nostra venientibus hanc libertatem & prærogativam de cætero volumus conservari, ut quoties illos in quæcunque loca, Civitates & Oppida Regni & Dominiorum nostrorum venire cum mercibus eorum, cujuscunq; speciei vel maneriei existant, contigerit: licitum erit eis hujusmodi merces in loca, testudines & cameras & tecta, quarum illis libera



præstari debet arrendatio, deponere & pro suo arbitrio exponere in venalitem, Stratasque omnes versus Hungariam, Russiam, Moraviam, Slesiam, Austriam, Saxoniam, Wallachiam, depositis tamen teloneis, & stratis antiquis Civitatum Regni & Dominiorum nostrorum semper salvis. Harum, quibus Sigillum nostrum præsentibus est appensum, testimoniô Literarum. Actum Cracoviæ feria quarta Cinerum Anno Domini Millesimo, quadringentesimo, quinquagesimo quarto : Præsentibus ibidem Reverendissimis in Christo Patribus, & Magnificis Dominis Sbigneo Dei gratia tituli S. Priscæ Presbytero Cardinale & Episcopo Cracoviensi, Joanne eadem gratia Sanctæ Gnesnensis Ecclesiæ Archi-Episcopo & Primate ejusdem : Joanne Wladislaviensi, Andrea Posnaniensi, eadem gratia Episcopis. Joanne de Cziſzow Castellano & Capitaneo, Joanne de Tanczin Palatino Cracoviensibus. Lucas de Gorka Poznaniensi, Joanne de Oleſſnicza Sandomiriensi, Petro de Opporow Lancziciensi, Nicolao de Scharley Brestensi, Palatinis. Petro de Schamotuli Poznaniensi, Predborio de Konyeczpole Sandomiriensi, Castellanis. Petro Schaffranyecz de Pyeschkowaskala Cracoviensi, Michaële de Lasotky Lancziciensi Succamerariis, & aliis quamplurimis generosis & nobilibus fide dignis ad præmissa testibus : Datum per manus Magnificorum Joannis de Konieczpole Cancellarii, & Petri de Schekocziny Vice-Cancellarii Regni Poloniæ sincerè nobis dilectorum : Relatio Magnifici Joannis de Konieczpole Regni Poloniæ Cancellarii.

## RECIPROCA SPONSIO,

Quam in

### D. CASIMIRI, POLONIÆ REGIS

Verba, Ordines Terrarum Prussiæ, pro temporum illorum conditione fecerunt.

ANNO 1454.

**I**N Nomine Domini, Amen. Ad perpetuam rei memoriam. Legum divinarum humanarumque saluberrimæ sanctiones, instituta & decreta, quoslibet feudales & subditos jugum subjectionis



nis & obedientiæ permittunt excutere, & in sortem regimenque justorum Dominorum se conferre, dum Rectorum & Principantium temeritas, frenis laxatis licentiæ, per quælibet devia & abrupta graditur, & manus non solum iniquas ad irrogandas injurias, sed etiam ad effundendum sanguinem innocentem cruentas immoderata audacia porrigens, quasi apud Deum ultionum omnis vindictæ ratio conquieverit, debachatur. Sed neque ad culpam contumeliamque justus rerum æstimator retorqueat, sed potius ad providentiæ argumentum, si onere oppressionum subditi impulsæ, opportuno justoque mutationis remediò, superbum, injustum atque avarum abrogent imperium, & in ditionem potestatemque alterius transmigrant, conditione actionum & temporum facultatem illis subministrante. Proinde nos Prælati, Barones, Militares, Nobiles, Cives, Oppidani & Incolæ Terrarum Prussiæ, Culmensis, Pomeraniæ & Michaloviensis, Status Ecclesiastici & Secularis, significamus tenore præsentium universis, tam præsentibus quam futuris, qualiter etsi superioribus temporibus Proavi, Avi & Genitores nostri, & tandem Nos, graves innumerabilesque à Magistro & Ordine Prussiæ pertulissemus oppressiones, dum non solum Magister, sed & sui Commendatores, in nos delæviendo, plerosque ex nobis nullo Jure servato capitibus plecterent, alios proscriberent, alios bonis temporalibus mulctarent: & quòd dictu quoque nefas est, conjuges & filias nostratum stupris & adulteriis violentis vitarent, in quosdam ex nobis, ut trucidaremur, ut venundaremur, caperemur, & depactaremur, facultatem conferendo, totque cogebarur recognoscere & profiteri Dominos superbè avarèque nobis imperantes, quot Terra Prussiæ gessit Commendatores, cum unusquisque illorum plenam principandi & imperandi apud se consistere arbitrabatur potestatem. Quà quidem inflati licentiâ, obliti professionis, quâ contra infideles militare sponderrant, nullâ offensâ aut injuriâ provocati, in Reges Principesque Poloniæ, quorum beneficio accersiti ad impugnationem infidelium dotatique & instituti fuerant, arma convertebant, fœdere primum cum D. CASIMIRO, deinde cum D. WLADISLAO Regibus Poloniæ per illos quater firmato, & toties violato, Regni Poloniæ Terras, nisi cladibus domiti fuissent, decreverant occupasse: cogentes nos ad gerendum secum injusta bella, licet nobiscum nunquam rem



integram communicati fuissent, cum illos ad illa obeunda, alienos fines occupandi fames aut livor fastusque, non justa causa, urgeret: in quibus clades, orbitates, fortunarumque & rerum nostrarum periclitationes illic exceptas tantò majore amaritudine prosequimur, quanto constat nos imperio Præsidum nostrorum coactos, non corporum solùm & rerum, sed etiam animarum nostrarum per injustas acies sæpius contraxisse discrimen & capitibus nostris omne scelus injusti belli expiâsse, Magistro & Ordine nostras clades magis ex arce spectantibus, quàm relevantibus. Verùm cum tot mala nullo termino aut spatio videremus finiri, atque nobis posterisque nostris majores calamitates, orbitates Magistro & Ordine Prussiæ ad rumpendum cum Rege & Regno Poloniæ fœdus percussum ultimò corporali interposito Juramento, à quo se absolvi Concilii Generalis Basiliensis & Summi Pontificis autoritate multiplici instantia expe-tebant, & bellum de novo gerendum aspirante, parari: Ligam & Unionem, omnem justitiam æquitatemque redolentem, non quæ illis justam potestatem adimeret; sed quæ injusta illos bella suscipere, & in nos, absque Jure, denudato vacuo uti mucrone, nosque fortunis & rebus spoliare nostris prohiberet, inivimus: Hanc cum annis pluribus per nos, Magistri & Ordinis consensu, ac Imperialibus Privilegiis & Confirmationibus desuper dotati, habuissemus in usu, observantia & praxi, tanto ardore, cura & sollicitudine, pro illius perpetua abolitione certatim non erubuerunt insistere, ut nos velut eth-nicos hæreticosque coram Summo Pontifice assererent, & deinde ad Imperiale traherent tribunal, non quò per abrogationem violationemque hujusmodi nostræ Unionis & Ligæ aliquid commodi aut profectus capefferent, sed ut eò liberius, obstante illis nemine, execranda bella Regi & Regno Poloniæ cæterisque finitimis, nostris tandem cervicibus, ut sæpè aliàs accidebat, expianda moverent. Licet autem coram Tribunali Cæsareo comparendi nulla nos arctaret conditio vel potestas, cum Imperiali ditioni nunquàm nos remur subjectos esse; Ut tamen nihil restaret, quò nostra argui posset justitia, & pura, quam in his ad pacem reconciliationemque cum Magistro & Ordine gerebamus, intentio, accusati Tribunal hujusmodi accessimus, & annò propè uno exactò, cum personarum nostrarum amplissimo discrimine, in querelis propositionibusque & replicatio-nibus



nibus versati, licet causam pluribus justificationibus fundatam haberemus: Tanta tamen favor Magistro & Ordini in pronuncianda Imperiali Sententia habitus est, ut Liga & Unio nostra hujusmodi, pro qua omne certamen fuit exortum, inhibitione Cæsaris, per nos tanquam Jure arbitrario facta, rejecta cassaretur. Magistro nihilominus & Ordine posthæc instantibus, ut in sexingentis florenorum millibus Magistro & Ordini solvendis, & adeò Magistro & Ordini obnoxii fuisset & fore, juxta ac si pretio empti essemus, nova Cæsarea Sententiâ damnamur: Vigore cujus ad trecentorum ex nobis principalium capitalem trucidationem processuros se, & ultionem quamlibet in nobis velut servis empticiis & obnoxiiis sumpturos, terrore publico & clamore disponebant. Quæ quidem Cæsarea Sententia, & ejusdem Magistri & Ordinis Prussiæ instantia, ultrà quoque de nobis extendenda adeò nobis indigna, prout erat, visa est, ut non viris modò sed fœminis, non Catholicis sed Scythis fœdum ac intolerabile esset, ad tantam obnoxietatem calamitatemque detrudi.

Tot igitur & tantis pluribusque aliis, quas, ut nostro consulumus honori, silentii tegimus velamine, oppressionibus, oneribus, gravaminibus atque injuriis laceffiti, præsertim cum illas videremus in infinitum trahi, & novo genere crescere & augeri, superbo avaro & injusto præfati Magistri & Ordinis dominio, autoritate & suffragiò naturalis & humanæ Legum, renunciavimus: omnem obedientiam, fidem & subjectionem illis & cuilibet eorum subtrahendo. Verùm cum Regem & Coronam Poloniæ præfati Ordinis Patronum, Fundatorem & Dotatorem: ac Terras prædictas, videlicet Prussiæ, Culmensis, Pomeraniæ & Michaloviensis, à corpore & proprietate Regni Poloniæ præter justitiam & æquitatem per vim & arma alienatas, constat extitisse, præfati capiti & primævo corpori, à quo excideramus, postquam Juris nostri esse cœpimus, illicò nos reunendos reintegrandosque censuimus: quò amplius liquere possit, renunciationem & subtractionem obedientiæ Magistro & Ordini, excutiendo tyrannicum jugum & superbum avarumque præsidium, per nos factam, non solum vendicationem libertatis, sed justum principatum, imperium & solium quæsisisse. In hunc itaque morem ad Serenissimum Principem D. CASIMIRUM Dei Gratiâ Poloniæ Regem, Magnum Ducem Lithvaniæ, & Hæredem Russiæ, & Coronam Polo-



Poloniæ, in quos Jure divino & humano præfatum Terrarum hæreditatem & omnimodam Successionem comperimus devolutam, solennes nostros Nuncios, videlicet Magnificos, Nobiles & prudentes Dominos, Joannem de Bayzen, Augustinum de Schewe, Milites: Gabrielem de Bayzen, Nicolaum de Wolkow, Judicem Derschoviensem, Laurentium Czeitz Culmensem, Rudgerum de Bircken Thorunensem, Laurentium Pilgrim Elbingensem, Præconsules: Joannem Kal Brunsbergensem, Georgium Schwach Königsbergensem, Nicolaum Rodman de Kniphoff, Gvilhelmum Jordan militem, & Joannem Meydeburg Gedanensem, Consules, cum plena facultate transmisimus, ac suæ Majestati, & in suum Regalem thronum, solium, ditionem & potestatem Terras prædictas Prussiæ, Culmenfis, Pomeraniæ & Michaloviensis, & quascunque alias annexas, in terra vel mari consistentes, personas nostras, castra, fortalitia, civitates, oppida, villas, res & fortunas nostras, quæ hætenus in nostra potestate sunt, & in futurum erunt, dedimus & subjecimus, & præsentibus voluntariè & spontaneè damus perpetuò & subjecimus: Ipsumq; D. CASIMIRUM Regem Poloniæ pro unico justo & legitimo Domino & Hærede suscipimus, recipimus & acceptamus, ac nos & Terras prædictas in Jus, sortem, proprietatem & titulum Coronæ Poloniæ reintegramus, reunimus, incorporamus & invisceramus: omnium Privilegiorum, libertatum, prærogativarum Regni Poloniæ usum & participationem: Et signanter communem cum aliis Regnicolis futurorum Regum Electionem & Coronationem habituri: ipsamque deditionem, subjectionem, susceptionem & obedientiam iterum atque iterum profiteamur, & innovamus: subjicientes nos Terrasque prædictas in perpetuam præfati D. Regis, & suorum Successorum: & Regni Poloniæ ditionem, gubernationem, protectionem, potestatem, fidem, imperium & regimen: Promittentes pro nobis, hæredibus & Successoribus nostris, sub fide & honore ac onere per nos præstiti Juramenti, quòd præfato Illustrissimo Principi D. CASIMIRO Poloniæ Regi & ejus Successoribus Regibus Poloniæ, velut fideles & subjecti, quemadmodum cæteri ejusdem Regni Incolæ, parebimus, auscultabimus & obediemus, fideliter & constanter, perpetuò & in ævum, Juribus nostris semper salvis: In ipsiusque D. Regis & suorum Successorum Poloniæ Regum ditione, potestate, gubernatione,



tionem, subjectionem, imperio & regimine ab hac hora & in perpetuum perdurabimus & consistemus, nec ullo tempore nos à Corona Poloniæ, cujus sumus corpus individuum, scindi, sequestrari, aut alienari permittemus, aut consentiemus. Promittentes præfato Domino CASIMIRO Regi & suis Successoribus Regibus Poloniæ, in omnibus felicibus, adversis & quibuscunque casibus, ope, præsidio, consilio & auxilio, fideliter, contra quoscunque eorum hostes & adversarios, & quascunque personas Ecclesiasticas vel Seculares, quacunque perfulgeant dignitate, communitates, universitates & signanter contra Magistrum & Ordinem quondam Prussiæ, Almaniæ & Livoniæ, fideliter, corpore, animo & rebus, & cum effectu assistere, & bonum, utile, commodum, honestum, ejusdem D. CASIMIRI Regis, & suorum Successorum Regum Poloniæ, juxta vires & potentias nostras extremas, efficere, dirigere & procurare: Nec unquam quocunque colore, arte, necessitate, casu, opportunitate vel ingenio, præfatum D. CASIMIRUM Regem & suos Successores Reges & Coronam Poloniæ deferere, aut in præjudicium, læsionem aut offensam præsentis subjectionis & deditiois nostræ, cum Magistro & Ordine olim Prussiæ, & Magistris Almaniæ & Livoniæ aliquos tractatus, reconciliationes, inscriptiones, amicitias, fœdera, colloquia vel sermones, absque ejusdem D. CASIMIRI Regis Poloniæ speciali licentia vel consensu, inire per se vel quascunque submissas personas, directè vel indirectè, palàm vel clandestinè, absque dolo & fraude, sub fide & honore. Cui quidem Serenissimo Principi, Domino CASIMIRO Regi Poloniæ, quamprimum feliciter Terras Prussiæ aut Pomeraniæ ingressus fuerit, ad suam requisitionem, plenè præstabimus, præstareque nos astringimus, fidelitatis, subjectionis & obedientiæ, perpetuo corporali interposito Juramento, homagium. Et quòd jam in personis præfatorum Nunciorum nostrorum præstitisse nos fatemur & recognoscimus, & præsentem nostram inscriptionem pro firmitate ampliori facimus & præstamus. Actum & datum in Thorun feria secunda proxima post Dominicam Ramis Palmarum. Anno Domini Millesimo, quadringentesimo, quinquagesimo quarto.



# PRIVILEGIUM

## D. CASIMIRI, REGIS,

Quò non tantum ipse Rex, sed præcipui etiam ex Regni Senatoribus solenniter cavent, quòd juxta Prærogativam Ordinibus Terrarum Prussiæ antea concessam, Castra & Tenutæ Civitatum atque locorum nullis extraneis sed veris Indigenis conferri debeant.

ANNO 1454.

**C**ASIMIRUS Dei Gratia Rex Poloniae, Magnus Dux Lithvaniae, Russiae Prussiaeque Dominus & Haeres &c. Significamus tenore Praesentium, quibus expedit universis, quòd, dum ex pluribus evidentibus & legitimis respectibus, Terras Prussiae, Pomeraniae &c. communicatò Principum, Praelatorum, Baronum cæterorumque fidelium novissimè Cracoviae nobiscum existentium Regni, Ducatum & Dominiorum nostrorum consiliò, voluntate & consensu, in regimen, tutelam, gubernationem, subjectionem & obedientiam accepimus & assumpsimus, hanc ipsis Prærogativam concessimus, quòd Castra, Civitates & quaecunque Fortalitia, in terris praedictis existentia, alicui extraneo aut forensi conferre non debemus. Ad praesens tamen certis respectibus moti, certa Castra, in praememoratis Prussiae Terris existentia, nonnullis personis contra hujusmodi Articulum superius expressum, durante praesenti guerra, & interim, quoad Terras Prussiae non pacificabimus, dedimus contulimusque in regimen, tenutam & gubernationem. Ideò praesentibus in verbo nostro Regio spondemus & promittimus, quòd pace, Domino suffragante, habita, praescripta Castra, taliter per nos in hactenus hujusmodi personis in regimen & tenutam collata, juxta tenorem & continentiam Literarum nostrarum Cracoviae Terris Prussiae concessarum, illis conferemus, quibus conferri debent, & quòd etiam praescriptis Literis in omnibus earum punctis, conditionibus, clausulis & articulis per hoc non intendimus neque volumus in aliquo derogare, sed ipsas sanas, salvas, firmas & illasas per nos &

Succes-



Successores nostros perpetuis temporibus tenere & observare pollicemur per præsentibus, harum, quibus Sigillum nostrum præsentibus est appensum, testimoniò Literarum. Et nos Joannes Wladislaviensis, Andreas Posenaniensis Dei Gratia Episcopi; Nec non Lucas de Gorka Posenaniensis, Stanislaus de Ostrorog Calisiensis, Petrus de Opporow Lanciciensis, Nicolaus de Koscielec Wladislaviensis Palatini; Petrus Skorka de Gay Calisiensis, Joannes de Czarnkow Gnesnensis, Hincza de Rogow Siradiensis Castellani & Vice-Thesaurarius, Petrus de Szczekocziny Vice-Cancellarius Regni Poloniae, Derslaus de Rythwyan Rosperienensis, & Nicolaus de Labischin Wladislaviensis Castellani &c. præscriptas Serenissimi Domini nostri Regis promissionum literas ratas & gratas habentes præsentibus promittimus, quòd ipse Serenissimus Dominus noster Rex omnia superius expressa firmiter & inconcussè inviolabiliterque tenebit & observabit, & pro majori firmitate sigilla nostra etiam præsentibus sunt appensa. Actum & datum in Thorun feria secunda Festi Beati Joannis Baptistæ, Anno Domini Millesimo, quadringentesimo, quinquagesimo quarto. Ad relationem præfati Magnifici Petri de Schekoczyn R. P. Vice-Cancellarii.

## PRIVILEGIUM D. CASIMIRI, REGIS,

Quò omnia Jura per Terras Prussiae abrogantur, & Unum Jus Culmense in omnium reliquorum locum sufficitur, ut juxta ejus tenorem omnes Causæ & Controversiæ decendantur & determinentur.

ANNO 1476.

**I**N Nomine Domini, Amen. Ad perpetuam rei memoriam Cum inter ea, quæ unitatem Domini attestantur, Juris Uniformitas præcipuum habeatur indicium: Proindè Nos CASIMIRUS Dei Gratiâ Rex Poloniae, nec non Terrarum Cracoviæ, Sandomiriæ, Siradiæ, Lanciciæ, Cujaviæ, Magnus Dux Lithvaniæ, Russiæ



Prussiaeque, ac Culmenfis, Elbingenfis & Pomeraniae Dominus & Haeres &c. Significamus tenore praesentium, quibus expedit, universis praesentibus, & futuris, harum notitiam habituris, quod, dum post bellorum discrimina Terras nostras Prussiae ad unitatem Domini nostri, à quo alias exciderant, favore divino recuperasset, reperimus Magnificos, Strenuos, Generosos ac Nobiles Terrarum praefatarum Incolas multiplicibus ac diversis gaudere Juribus, quorum quaedam & legitimas negligebant successiones, ac justitias hominum perturbabant & involvebant, saepiusque quod norma debebat esse justitiae, litigiorum & seditionum erat occasio. Cui malo occurrere volentes, pulsati etiam precibus Magnificorum & Nobilium Palatinorum, Castellanorum, Dignitariorum, totiusque Communitatis & Baroniae Terrarum nostrarum Prussiae, & signanter de Districtibus Pomeraniae, Mariaburgensis & Stumensis, alias Pomezaniensis, omnia Jura Prutenicalia, Maydemburgensia, Pomeraniae ac feodalia, in quibus alias tempore Magistri & Ordinis consistebant, & ipsis regulabantur, ab ipsis removens, abrogantes & perpetuo abolentes, loco omnium Jurium praedictorum Unum Jus CULMENSE, quod Districtus Culmenfis gaudet & fruitur, ipsis & eorum posteris, juxta ejus veram naturam, substantiam, qualitatem & conditionem, de consensu omnium Praelatorum & Baronum nostrorum conferimus & largimur perpetuo & in aevum. Quod Jure judicari inter se debebunt & expediri, omnesque causas & controversias eorum, juxta tenorem Juris Culmenfis praedicti, secundum quod in suis capitulis, punctis & consuetudinibus scriptum & declaratum existit, decident & determinabunt. Ab omnibus etiam oneribus ac daciis inconsuetis, quibuscunque appellentur nominibus, quas Magistro & Ordini de Bonis eorum dare cogeantur, ipsos libertamus. Abrenunciantes insuper devolutionem Bonorum haereditariorum, quae nobis & dominio nostro jure feodi cedebant & debebantur, ac ab eadem recedentes, successionem posteris eorum in perpetuum donantes: Hoc duntaxat pro nobis & Successoribus nostris excipiendo & reservando, quod quilibet Dignitarius & Terrigena Terrarum Prussiae ad bellicam expeditionem, quotiescunque necessitas exoptaverit illam per Nos & Successores nostros indici, in armis & equis decentibus, quilibet juxta continentiam Privilegii sui & tenorem;



rem; aliàs qui careret Privilegio, secundum facultatem bonorum suorum servire erit & obligatus & obstrictus, prout & alii Incolæ Regni nostri ad hoc ipsum obligantur servitium. Præterea volumus, ut omnes & singuli præfati subditi nostri in recognitionem Domini, prout etiam prius solitum erat, pro quolibet Festo Sancti Martini denarium Culmensem, vel loco ejus quinque allenses Prutenicales, cum uno talento ceræ albæ nobis & Successoribus nostris ac Officialibus ad exigendum per nos deputatis, dent, solvant & consignent. Insuper volumus, quòd nullus Dignitariorum aut Terrigenarum in lacubus habeat, præter quòd antiquitus habuit, tempore Magistri & Ordinis, neque etiam de illis lacubus se intromittat, quorum piscatura ad Magistrum & Ordinem pertinebat, esto quòd Lacus prædicti hæreditates aliquorum contingant, vel eis contineantur. Harum, quibus Sigillum nostrum præsentibus est subappensum, testimonio Literarum. Actum in Castro nostro Mariæburgensi feria sexta proxima post Festum Sancti Jacobi Apostoli, Anno Domini Millesimo, quadringentesimo, septuagesimo sexto. Præsentibus Reverendissimo ac Reverendis in Christo Patribus Dominis Jacobo S. Gnesnensis Ecclesiæ Archi-Episcopo & Primate, Sbigneo Wladislaviensi & Regni Poloniae Vice-Cancellario, Vincentio Culmensi, Episcopis: nec non Magnificis, Strenuis & Generosis Nicolao de Cuchno Lanciciensis, Andrea de Greczkow Inowladislaviensis, Stiborio de Bayssen Mariæburgensis, Ocha de Machwitz Pomeraniæ, Ludovico de Mortang Culmensis, Palatinis: Joanne de Rithwian Sandomiriensi, & Regni Poloniae Marechalco, Joanne à Mor de Tharnow Woynicensi, Joanni de Oporow Brestensi, Nicolao de ibidem Brzezynensi, Matthia de Sluzew Cruschwitiensi, Nicolao Dambrowski Culmensi, Nicolao Feltsdorff Pomeraniæ, Fabiano de Legendsdorff Elbingensi, Castellanis, & aliis quàm plurimis ad præmissa testibus fide dignis. Datum per manus Reverendi in Christo Patris Domini Sbignei Episcopi Wladislaviensis & Vice-Cancellarii, nec non Venerabilis Urielis de Gorka Gnesnensium & Posnaniensium Ecclesiarum Præpositi, Cancellarii Regni Poloniae, sincerè nobis dilectorum. Sbigneus de Oleschnicza E. &c. manu propr.



# CONFIRMATIO

## D. CASIMIRI, REGIS,

Privilegiorum, Libertatum, & eorum omnium, quæ diu  
& ab antiquo Ordines Terrarum Prussiæ habuerunt.

ANNO 1477.

**C**ASIMIRUS, Dei Gratiâ Rex Poloniæ, Magnus Dux Lithvaniæ, Russiæ Prussiæque Dominus & Hæres &c. Significamus tenore Præsentium, quibus expedit universis, quòd, quemadmodum antea actis annis certa Privilegia & Libertates subditis nostris & Terrarum nostrarum Prussiæ Incolis, tam Spiritualibus quàm Secularibus dederamus & concesseramus, quæ quidem Privilegia, & alia, diu & ab antiquo per eos tenta & habita, ipsis subditis nostris in omnibus punctis, conditionibus, Articulis & Clausulis tenere & observare promittimus præsentibus & pollicemur. Harum, quibus Sigillum nostrum est subappensum, testimoniò Literarum. Datum in Nova Civitate Corczin feria sexta proxima post festum Sancti Barnabæ Apostoli, Anno Domini Millesimo, quadringentesimo, septuagesimo septimo. Relatio Venerabilis Stanislai de Curozwan-ki R. P. Vice-Cancellarii. Stanislaus Vice-Canc. sst.

# CONFIRMATIO

## D. JOANNIS ALBERTI, REGIS,

Omnium Jurium & Privilegiorum Terrarum Prussiæ,

ANNO 1494.

**I**N Nomine Domini Amen. Ad perpetuam rei memoriam. Quoniam humani generis actiones memoriæ perpetuæ indigentes, plerumq; ab hominum notitia dilabuntur, nisi scripturarum seu testium munimine fuerint roborata. Proinde Nos JOANNES ALBERTUS, Dei Gratiâ Rex Poloniæ, nec non Terrarum Cracoviæ,



viæ, Sandomiriæ, Siradiæ, Lanciciæ, Cujaviæ; Supremus Dux Lithvania, Russiæ Prussiæque ac Culmensis, Elbingensis & Pomeraniæ Dominus & Hæres &c. Significamus tenore præsentium, quibus expedit, universis præsentibus & futuris, harum notitiam habituris, quomodo revolventes in animo, qua quantaque puritatis affectione & integræ fidei constantia Prælati tam Spirituales quàm Seculares, Comites, Barones, Milites, Proceres, Nobiles, Communitatesque Civitatum & Oppidorum, cæterique Subditi & Incolæ Terrarum Prussiæ, tam Spirituales: quàm Seculares, personam nostram venerati sunt atque dilexerunt, ut tandem decedente felicitis memoriæ Serenissimo Principe Domino CASIMIRO &c. Genitore & Prædecessore nostro charissimo, Nos tanquàm verum hæredem & legitimum Successorem, ipsis in Regem & Dominum concordibus voluntatibus unà cum aliis Regni nostri Consiliariis, Dignitariis, Officialibus & cujuscunque Status Conditionisque Subditis & Incolis elegerunt & assumpserunt, Sacroque Regni Diademate insigniverunt. Cùm igitur Altissimo dirigente, votis eorundem Incolarum Regni nostri in nostram Majestatem deliberatè concurrentibus, Paternum Sacri Regni Poloniæ nacti sumus solum, dignum eâpropter duximus in ipsos Subditos Incolasque oculos pietatis nostræ aperire, & eis hanc, quam actu & opere, veluti Athletæ fideles, in nos exhibuerunt, sinceritatem & constantiam, gratitudine nostra, ut decet, compensare. Unde ex certa nostra scientia, præhabitaque sufficienti deliberatione, animò benevolò & voluntate nostra ultronea ipsis Prælatibus, Comitibus, Baronibus, Dignitariis, Officialibus, Militibus, Proceribus, Nobilibus, Civitatibus & earundem Communitatibus, cæterisque Subditis & Incolis Terrarum Prussiæ, cujuscunque Status conditionisque existant, quæque ipsorum Jura & Privilegia, tam Ecclesiastica quàm Secularia, quæcunque à divæ memoriæ Regibus Poloniæ, & ab olim Genitore & prædecessoribus nostris, super quibuscunque Bonis & Libertatibus habere dignoscuntur & habent, sub quibuscunque Datis, in vita ipsorum emanatas & concessas, emanataq: & concessa Jura & Privilegia in se continentes, in omnibus earum positionibus, Conditionibus, Articulis universis ratificamus, gratificamus, approbamus, & præsentium Literarum patrocinio confirmamus, decernentes easdem eademque robur habere perpetuæ



tuæ firmitatis : Promittentes insuper in verbo nostro Regio, & le-  
nore præsentium spondentes, eadem ipsorum Jura, Libertates &  
Privilegia per omnia rata grata habere, & inconcussè, jugiter, invio-  
labiliter & perpetuò, justitia mediante, gratosè conservare. In  
cujus rei testimonium, Sigillum nostrum præsentibus est appensum.  
Datum in Thorun die Sabbato in Vigilia Sancti Andreæ Apostoli,  
Anno Domini Millesimo, quadringentesimo, nonagesimo quarto,  
Regni verò nostri anno tertio. Præsentibus Reverendis in Christo  
Patribus Dominis Creslao de Curozwanki electo confirmato Wla-  
dislaviensi & Regni nostri Cancellario, Uriele Poshaniensi & Luca  
Varmiensi, Episcopis ; nec non Magnificis, Generosis & Nobilibus  
Ambrosio Pampowski Siradiensi, Matthia de Sluzewo Brestensi,  
Nicolao de Baysen Mariæburgensi, Carolo de Felden Culmensi, Ni-  
colao de Wolikow Pomeraniæ, Palatinis. Nicolao de Strzezow  
Wisliciensis, Joanne de Przithik Radomiensi, Petro Miskowsky Ro-  
speriensis, Nicolao Gardzina de Lubraniec Spicimiriensis, Castellanis.  
Petro Kmitha de Wilsnicze Regni nostri, Raphaële de Leschno Cu-  
riæ nostræ Marechalcis, cæterisque Dignitariis, Consiliariis & Curi-  
ensibus nostris fide dignis Testibus. Datum per manus Venerabilis  
Gregorii de Lubraniec Scarbimiriensis, & Sancti Floriani in Kleparz  
Ecclesiarum Præpositi, Regni nostri Vice-Cancellarii, sincerè nobis  
dilecti. G. Vice-Cancelarius sst. Relatio ejusdem Venerabilis  
Gregorii de Lubraniec R. P. Vice-Cancellarii.

## PRIVILEGIUM CAPITULI VARMIENSIS,

Super Electione Episcoporum Varmiensium, & grati-  
tudine personæ eligendæ, & quòd ex Electis REX nominare  
non debeat nisi verum Terrarum Prussiæ Indigenam.

ANNO 1512.

**I**N Nomine Domini, Amen. Ad perpetuam rei memoriam.  
Nos SIGISMUNDUS, Dei Gratia Rex Poloniæ, Magnus Dux  
Lith-



Lithvaniæ, nec non Terrarum Cracoviæ, Sandomiriæ, Siradiæ, Cujaviæ, Russiæ, Prussiæ ac Culmenfis, Elbingensis Pomeraniæque &c. Dominus & Hæres, significamus tenore præsentium, quibus expedit, universis & singulis, præsentibus & futuris, harum notitiam habituris, quòd, cum defuncto bonæ memoriæ olim Reverendo in Christo Patre D. Luca Episcopo Varmiensi, ejusdem Ecclesiæ Prælati & Canonici ad Electionem novi Episcopi & Pastoris processissent, fuissetque orta aliqualis controversia super eadem Electione, quæ videbatur nobis facta non observato tenore cujusdam Articuli, inter olim Serenissimum Principem Dominum CASIMIRUM Regem Poloniæ Genitorem nostrum charissimum, & Reverendum Patrem D. Nicolaum Episcopum Varmiensem & ejus Capitulum per quandam inscriptionem facti, in quo cavetur, quòd iidem Prælati & Canonici Ecclesiæ Varmiensis, defuncto eorum Episcopo; personam gratam Regibus Poloniæ eligere teneantur, cumque ejusdem Articuli, de eligenda grata Regibus persona, interpretatio in dubium hincinde traheretur: Nos prospicere cupientes, ne qua posthac controversiæ occasio inter Nos vel Successores nostros Reges & Dominum Episcopum, ac ejus Capitulum dictæ Ecclesiæ Varmiensis super Electione Episcoporum, & gratitudine personæ eligendæ, exoriri possit, ad tollendam omnem ejusdem Articuli in posterum ambiguitatem, matura deliberatione & consultatione cum Consiliariis nostris Spiritualibus & Secularibus habita: Cum Reverendo Patre Domino Fabiano Episcopo Varmienfem moderno, ac ejus Ecclesiæ Capitulo in hunc, qui sequitur, modum devenimus, quòd, cum contigerit vacare Ecclesiam Varmiensem, Prælati & Canonici ejusdem Ecclesiæ tempestivè & ante Electionem novi Episcopi mittere tenebuntur de gremio sui Nuncios ad Nos & Successores nostros legitimos Reges Poloniæ, si fuerimus aut iidem Successores nostri fuerint in Polonia, non tamen in terris Russiæ, aut Magno Ducatu Lithvaniæ, usque Vilnam & non ulterius, & significare per eosdem Nuncios suos obitum sui Episcopi, & diem Electioni novi Pastoris præfinitum. Et prætereà dicere tenebuntur nomina omnium Prælatorum & Canonicorum Ecclesiæ suæ, præsentium & absentium ab Ecclesia, ac declarare pro eorum judicio fideliter ac veraciter vitam, mores, dignitatem,

E,



tatem, & omnem conditionem status uniuscujusque. Quod si forsitan pro eo tempore Nos aut nostri Successores non essemus seu non essent in Polonia, sed in Terris Russiæ aut ultra essemus, seu Successores nostri essent in Magno Ducatu Lithvaniæ ultra Vilnam, tunc iidem Prælati & Canonici, ne fortè Electio nimis tardetur, & Ecclesia præfata alicui periculo aut incommodo subjiciatur: Obligati erunt per suos Nuncios omnia superius descripta Reverendissimo Domino Archi-Episcopo Gnesnensi pro tempore existenti, aut ejus Paternitate extra suam Provinciam existente, Wladislaviensi aut Plocensi Episcopo significare; Qui quidem Dominus Archi-Episcopus, sive alter ex supradictis Episcopis, illo absente, sine omni mora per suum tabellarium sive nuncium de illis omnibus, quæ sic significabuntur, Nos & Successores nostros curabit reddere certiores. Ex quibus quidem Prælati & Canonicis ejusdem Ecclesiæ nos quatuor pro arbitrio nostro nominabimus, non alios tamen, quàm qui sint veri Terrarum Prussiæ Indigenæ, ac per specialem Nuncium nostrum seu literas clausas significabimus ipsi Capitulo, quos judicaverimus ad illius culmen dignitatis & locum in Consilio nostro magis idoneos & nobis gratos. Ipsi verò Prælati & Canonici prædicti unum ex illis quatuor, quem voluerint aut judicaverint meliorem & utiliorem, deligere in Episcopum tenebuntur & erunt astrikti. Et quia ex longa mora Electionis aliqua difficultas vel impedimentum evenire poterit, itaque post acceptum de morte Episcopi à Capitulo Nuncium, supradictos quatuor Octo dierum ad summum spatium nominare debemus. Et hoc amplius adjiciendum, ipso Domino Fabiano Episcopo, & ejus Ecclesiæ Varmiensis Capitulo assentientibus, volumus, quod si quando Nos vel Successores nostri filium sive fratrem germanum inter quatuor supradictos nominare vellemus, qui prius esset de gremio Capituli Ecclesiæ prædictæ, id in nostro & Successorum nostrorum Regum Poloniae arbitrio & potestate erit, ac si idem filius vel frater Terrarum Prussiæ Indigena esset. Cum autem dicti Prælati & Canonici, sic ut præfertur, unum ex eisdem quatuor nominatis elegerint, intimare debebunt nobis & Successoribus nostris novum Electum, & cum eo supplicare ut illum nostris literis Sedi Apostolicæ & Sanctissimo Domino commendemus,



mus, ut Electionem de eo factam cum gratia confirmare dignetur, Quâ quidem Confirmatione & provisione secuta, idem Electus, juxta tenorem & inscriptionem, cum superius nominato olim Domino Nicolao Episcopo Varmienti & ejus Capitulo factam, præstabit Juramentum Nobis & Successoribus nostris, prout in eadem inscriptione latius continetur. Reliqua verò, quæ in eisdem Articulis cum supradicto Domino Nicolao Episcopo Varmienſe habitis continentur, salva & integra permanere debent in perpetuum & inviolabiliter observanda. Ea verò, quæ his Literis continentur, ipse Dominus Fabianus Episcopus Varmienſis prædictus, cum Capitulo Ecclesiæ firmiter, illas & inconcuſſe tenere, exequi & inviolabiliter perpetuò observare debebit, & ejus Successores debebunt. In quorum omnium & singulorum fidem & testimonium præmissorum præſentes literas scribi fecimus, & Sigillo nostro communiri. Actum in Conventione Generali Piotrkoviensi Die Martis septima Mensis Decembris, aliàs in Vigilia Conceptionis Beatissimæ Virginis Mariæ, Anno Domini Millesimo, quingentesimo, duodecimo, Regni verò nostri sexto. Præsentibus Reverendissimo & Reverendis in Christo Patribus Dominis Joanne Archi-Episcopo Gnesnensi & Primæ, Joanne Cracoviensi, Joanne Poſnaniensi, Erasmo Plocensi, Fabiano Varmienſe, Matthia Præmiſlienſe & Regni nostri Cancellario, Jacobo Camenecensi, Ecclesiarum Episcopis; nec non Magnificis, Venerabilibus, Generosis & Nobilibus Nicolao de Camienycz Cracoviensi, & Campiductore Regni nostri generali, Nicolao de Lubraniec Poſnaniensi & Capitaneo Lancieniſi, Joanne de Tarnow Sandomiriensi, Jaroslao de Lasko Siradiensi, Joanne Jarandi de Brudzew Lancieniſi, Nicolao de Kretkow Breſtensi, Joanne Odrowanſch de Sprowa Ruſſiæ Terrarum Generali, Otha de Chodecz Podoliæ, Nicolao Firley de Dambrowicza Lublinensi, Georgio de Bayſen Mariæburgensi, Nicolao de Pilcza Belzenſe, Andrea de Radzicowicza Plocensi, & Ravenſe Capitaneo, Prandota de Zelafna Ravenſe, Palatinis, Luca de Gorka Poſnaniensi & Capitaneo Majoris Poloniæ generali, Chriſtophoro de Schidlowiecz Sandomiriensi & Regni nostri Vice-Cancellario, nec non Siradiensi, Sochaczoviensi & Goſtinenſe Capitaneo, Stanislao de Oſtorog Caliſienſe, Ja-



nussio Latalski Gnesnense, Joanne de Przeremb Siradiense, Alberto de Gladczianow Laciciense, Nicolao de Schydlowiez Radomienſe & Succamerario Cracoviense, Regnique nostri Inciſore, Nicolao Jordan de Zakliczin Viſlicienſe, Andrea de Opporow Breſtenſe, Hieronymo de Kobyliny Roſperienſe, Andrea de Tanczyn Biecenſe & Cauſarum Curiaſe noſtræ Referendario, Georgio Krupski de Orchow Belcenſe, Stanislaw de Pothulice Miedzirzecenſe, Jaroslaw Sokolowski de Wrancza Landenſe, Petro Gorski Naklenſe, Joanne de Bochothnicza Malogostenſe, Stanislaw de Sprowa Zarnoviense, Martino Skotnicki de Bogoria Zawichostenſe, Stanislaw Kuropathva de Lazuchow Chelmenſe, Caſtellanis. Stanislaw de Chodetz Marſchalco & Capitaneo Leopoliense, Andrea de Koſezielec Theſaurario, Scepuſienſeque, Ofwiecimienſe, Sandecenſe, Juniwladislaviense, & Bidgoſtienſe Capitaneo, nec non Zuppario & Magno Procuratore Generali Cracoviense, Regni noſtri, Andrea de Klecz Cuſtode, & Joanne Sculteti Sacrae Theologiae Profeſſore ac Archi-Diacono Varmienſe, Joanne Latalski Gneſnenſe, Cracoviense & Lanciciense Præpoſito, Petro Thomiczki Decretorum Doctore, Archi-Diacono, Joanne Czarnkowski Canonico Cracoviense, Stanislaw Goretzki Præpoſito Califfchienſe Eccleſiarum, Secretariis noſtris; Stanislaw Jaroczki Marſchalco Curiaſe noſtræ, Raphaële de Leſchno Capitaneo Szlochoviense, Henrico Itfeld Pro-Conſule Thorunenſe, Ambroſio Storm Nuncio & Notario Gedanenſe Civitatum noſtrarum. Adamo de Drzewicza Sandomiriense, Stanislaw Laſſocki Poſnaniense Terrarum Succamerariis, Nicolao Oczieſki Capitaneo Coſtenſe & Magiſtro agaſonum Curiaſe noſtræ, & aliis quampluribus Dignitariis, Officialibus & Curienſibus noſtris, circa præmiſſa teſtibus fide dignis, ſincerè & fidelibus noſtris dilectis. Datum per manus præfati Reverendi in Chriſto Patris Domini Mathia Episcopi Præmiſlienſis & Regni noſtri Cancellarii, ſincerè nobis dilecti. Matthias Dominus Episcopus & Cancellarius ſipt. Relatio ejusdem Reverendi in Chriſto Patris Domini Mathia Episcopi Præmiſlienſis & Regni Poloniae Cancellarii.



# CAUTIO

## D. SIGISMUNDI, REGIS,

In Persona Joannis Balinski, quòd posthac nonnisi  
'Terrarum Prussiæ Indigena, & Vernaculæ Lingvæ peritus,  
in ipsarum Terrarum Consilium recipi & admitti debeat.

ANNO 1519.

**S**IGISMUNDUS, Dei Gratiâ Rex Poloniae, Magnus Dux Lithvaniae, Russiae Prussiaeque &c, Dominus & Haeres, Manifestum facimus tenore praesentium, universis & singulis, quibus expedit, quòd, cum alias Nos volentes Generosum & fidelem nobis dilectum Joannem Balinski, ob meritorum suorum exigentiam, amplioribus honorum fastigiis evehere, ei Castellanus Gedanensis Dignitatem in Terris Prussiae eâ vice contulissemus, mandavimus eum in ipsarum Terrarum Consilio recipi & admitti. Verum, cum praemissa Privilegiis earundem Terrarum obsistere dicantur, ex eò quòd idem Joannes Indigena illarum Terrarum non existens, ipsarum etiam Lingvæ imperitus, praesenti nostro Decreto declaramus, & in verbo nostro Regio affirmamus, intentionis nostrae non fuisse nec esse, per praedictam nostram collationem & mandatum memoratis Privilegiis aliquatenus derogare, aut quomodolibet ea tollere vel abrogare. Decernimus igitur, praedictam nostram collationem & Mandatum, quatenus dictis Privilegiis aliquomodo adversetur, Terris nostris Prussiae in aliquo non prajudicare, aut ad similia permittenda in consequentiam seu exemplum in posterum trahi non posse neque debere, dictosque Terrarum Prussiae Consiliarios eundem Joannem in Consilium recipien. nostroque Mandato paren., ab hujusmodi Privilegiis recessisse censi aut judicari à quoquam non debere neque posse, nolentes eos aut Terras praedictas, ob nostrae complacentiae obsequia, hâc duntaxat vice nobis impensa, prajudicium aliquod aut jacturam reportare. In quorum omnium testi-



monium has nostras Literas fieri iussimus nostro Sigillo communitas. Datum in Brzescie Kujaviensi feria quarta ipso die Beati Andreæ Apostoli: Annorum Domini Millesimo, quingentesimo, decimo nono, Regni autem nostro tredecimo. Christophorus de S. Palatinus & C. Cracovien. ac R. P. Cancell. sst. Ad Relationem Magnifici Christophori de Schidlowicz Palatini & Generalis Cracoviensis ac Regni Poloniæ Cancellarii &c.

## CONFIRMATIO D. SIGISMUNDI, REGIS,

Omnium Privilegiorum & Libertatum, quas D. ejus  
Genitor CASIMIRUS Rex Terris Prussiæ concesserat,

ANNO 1521.

**I**N Nomine Dei, Amen. Ad perpetuam rei memoriam! Omnium rerum, quæ sempiternæ memoriæ comendari debent, nulla certior firmitudo inveniri potest, quàm ut literis posteritati mandentur. Cætera enim facta, quantumvis memorabilia, aliis modis æternitati dicata, aliquot quidem sæculis durare possunt, sed quæ literis memoriæ conservantur, nunquam intereunt, ipsaque vetustate sunt angustiora. Atque ita Nos SIGISMUNDUS, Dei Gratiâ Rex Poloniæ, Magnus Dux Lithvaniæ, Russiæ, Prussiæ, Culmenfis, Elbingensis Pomeraniæque &c. Dominus & Hæres. Manifestum facimus his literis nostris universis & singulis tam præsentibus quam futuris, quòd accedentes ad conspectum nostrum Domini Prælati Terrarum nostrarum Prussiæ, Spirituales & Seculares, Barones & Nobiles, principalium Civitatum nostrarum, videlicet Thorunensis, Elbingensis & Gedanensis Pro-Consules & Consules, ac apud Nos earundem Civitatum nominibus Nuncii, sincerè & fideles nostri dilecti: inter cætera nobis humiliter supplicârunt, ut eos circa Jura, libertates, prærogativas, concessiones, donationes & exemptiones, per



per clarissimæ memoriæ Dominum CASIMIRUM Regem Parentem nostrum desideratissimum concessa & concessas, conservare, manu tenere, tueri & defendere, ac ea & illas confirmare, approbare, ratificare, laudare ac demum renovare dignemur. Nos igitur SIGISMUNDUS Rex superscriptus, qui naturæ benignitatisque nostræ instituto ea, quæ ad ornamentum, dignitatem, amplitudinem atque conservationem Dominorum & Subditorum, quibus divina dispensatione sumus præfetti, spectare nobis videntur, grati libentissimique concedimus, ac præsertim cum ipsi Domini Prælati & Barones, & tota fermè Nobilitas, & supradictarum Civitatum Cives & alii multi Incolæ & Subditi nostri, quamvis semper antea, ut sub imperium & protectionem divi Parentis nostri CASIMIRI redierunt, nunc tamen maximè, cum hoc bellum, quod nuper cum Illustri Domino Alberto Marchione Brandenburgensi cum Magistro Ordinis S. Mariæ in Prussia gessimus, eorundem Subditorum nostrorum propulsantes damna, cædes & injurias, constantissimi & integerrimi nobiscum præferentes manserunt. Auditis itaque & benè intellectis hodie superscriptis Privilegiis & Juribus ac Prærogativis, concessionibus aut donationibus, ad laudem & gloriam imprimis Dei Opt. Max. omniumque Sanctorum ejus, & ad universalum Terrarum nostrarum Prussiæ incrementum, tranquillitatem, quietem, stabilitatem atque conservationem, superscripta Privilegia ac Jura, prærogativas, concessiones, donationes & exemptiones, ac omnia & singula in ipsis contenta, cum omnibus & singulis eorum punctis, clausulis & continentis, prout jacent, ex certa nostra scientia & voluntate, ex consilioque Consiliariorum nostrorum ad præsens in hoc novissimo Conventu nobiscum existentium, pro solita benignitate nostra Regia, approbamus, ratificamus, renovamus & acceptamus, laudamus & confirmamus, ipsaque & ipsas perpetuum firmitudinis robur obtinere volumus. Promittentes in verbo Nostro Regio, ac sub fide boni, legalis & ingenui Principis, pro nobis & Successoribus nostris, Nos omnia superscripta in præinsertis Privilegiis expressa firmiter & inviolabiliter observare, tenore præsentium mediante. In cujus rei testimonium Sigillum nostrum præsentibus appendi jussimus, & ad meliorem cautelam  
nos



nos manu nostra propria subscripsimus. Actum & datum in Civitate nostra Thorunensi, feria sexta proxima ante Dominicam Jubilate, Anno Domini Millesimo, quingentesimo, vigesimo primo, Regni verò nostri Anno decimo quinto. Præsentibus Reverendissimis & Reverendis in Christo Patribus Dominis Joanne de Lasko Archi-Episcopo Gnesnensi & Primate, & Sedis Apostolicæ Legato nato, Matthia de Drewicza Wladislaviensi Episcopo, Raphaële de Leschno Ecclesiæ Præmisliensis, & Laurentio Miedzilesky Ecclesiæ Camenicensis, designatis & electis Episcopis. Nec non Magnificis Nicolao de Dambrowicza Castellano Cracoviense, & Regni nostri Campiductore supremo. Christophoro de Schidlowicz Palatino & Capitaneo Cracoviensi ac Regni nostri Cancellario &c. Joanne de Lubraniec Poshnaniensi, Joanne de Calinowa Calissiensi, Stanislae de Koscielec Brestensi, & Capitaneo Mariæburgensi, Palatinis. Luca de Gorka Poshnaniensi, & Majoris Poloniæ Capitaneo Generali. Nicolao de Schidlowicz Sandomiriense & Regni nostri Thesaurario. Joanne Wiethwinski & in Carnischin Plocensi, Stanislae de Sprowa Sarnowiensi Castellanis, ac Venerabilibus Joanne Latafski Gnesnen. Cracovien. & Lancicien. Ecclesiarum Præposito. Andrea Sloriczki Præposito S. Floriani in Kleparz extra muros Civitatis nostræ Cracoviensis, & Custode Sandomiriense, Nicolao Oleschniczki Canonico Cracoviensi, Paulo Grąsfowski Præposito omnium Sanctorum in Cracovia, & aliis quàm pluribus Dignitariis, Officialibus & Curientibus nostris ad præmissa testibus fide dignis sincerè & fidelibus dilectis. Datum per manus præfati Magnifici Christophori de Schidlowicz in Smielow & magna Opatow Palatini & Capitanei Cracoviensis ac Regni Poloniæque Cancellarii, tum Siradiensis, Sochaczoviensis, Costinensis &c. Capitanei, sincerè nobis dilecti. SIGISMUNDUS Rex ffr. Christoph, de S. Pal. & Capitaneus Cracoviensis ac R. P. Canc. ffrpt.



# D. SIGISMUNDI REGIS, LITERÆ,

Quibus Ordinibus Terrarum Prussiæ, qui vigore Privilegii ad Electionem Filii vocati non fuerunt, postea tamen Electi onem ratam habuerunt, cavet, quòd ea præteritio illis fraudi esse non debeat, & specialiter obligat Sigismundum Augustum Filium, ut annum decimum quintum egressus, pro more Antecessorum, juret se Privilegia & Indulta tam publicè quam privatim conservaturum, & quamdiu hoc ipsum Juramentum non præstiterit, Ordines etiam Terrarum & Civitatum ad servandum suum Juramentum Majestati ejus præstitum astrictos esse non debere, sed ubi Majestas ejus satisfecerit, tum demum omnem fidelitatem & obedientiam præstare oportere.

ANNO 1530.

**S**IGISMUNDUS Dei Gratiâ Rex Poloniæ, Magnus Dux Lithvaniæ, Russiæ totiusque Prussiæ ac Masoviæ &c. Dominus & Hæres, Manifestum facimus universis, quia licet Privilegia & libertates Statibus & Ordinibus Terrarum nostrarum Prussiæ, tam Ecclesiasticis quàm Secularibus, à Majoribus nostris concessa & concessæ, ac per nos confirmata & confirmatæ, inter alia id potissimum contineant, ut dicti Ordines & Status Prussiæ ad futurorum Regum Poloniæ, quotiescunque super Electione & Coronatione illorum deliberationem fieri contingat, ad Electionem & Coronationem vocari & admitti debeant. Quia tamen in eligendo Serenissimo Principe Domino SIGISMUNDO Secundo; Rege Poloniæ & Magno Duce Lithvaniæ, Filio nostro charissimo hoc ipsum prætermisum est, non data quidem opera, sed quòd nobis viventibus & Regno nondum vacante, magisque divina ordinatione, quàm humano consilio



lio, Electio ipsa Majestatis suæ contigit: Considerantes tantam prædictorum Statuum & Ordinum Terrarum nostrarum Prussiæ, erga nos & Serenissimam Familiam nostram, fidem, affectum, & observantiam, ut hanc ipsam Electionem Serenissimi filii nostri, præter vocationem eorum factam, approbaverint, & similiter ipsum eligendo ratam atque gratam habuerint: Nolentesque, ut per hujusmodi Electionem, ad quam vocati non erant, aliquid in posterum Privilegiis & Libertatibus dictorum Statuum & Ordinum earundem Terrarum nostrarum Prussiæ derogaretur: Decernimus, ut deinceps, quotiescunque Regem decedere, & Regnum vacare aut Electionem quomodocunque celebrari contigerit, Domini Consilarii Ordinis utriusque Regni Poloniæ, antequam ad Electionem procedant, prius prædictos Status & Ordines Terrarum Prussiæ de hac ipsa novi Regis Electione certiores faciant, ac eosdem ipsos Status, secundum antiquam consuetudinem & contenta Privilegiorum eorum, ad eam vocent & admittant. Volentes prætereà, pro tanta eorum in nos & Filium nostrum charissimum integritate, vicissim eis providere, ut & ipsi in suis Juribus & Privilegiis ac Libertatibus Consuetudinibusque approbatis absque ullo conservarentur detrimento, pollicemur illis præsentibus literis nostris, quòd quodocumque ipse Serenissimus Filius noster, post mortem nostram, ad ætatem legitimam, nempe ad annos quindecim completos, perveniens, possessionem Regni & Dominiorum nostrorum adire voluerit, tenebitur illis id totum præstare, quod Antecessores nostri Reges Poloniæ & nos ipsi præstitimus ex debito, ad quod ejus Majestatem, ut Filium & Successorem nostrum, tenore præsentium obligamus, videlicet, quòd jurare debbit omnia Jura, Libertates & Privilegia, Literas immunitatesve earundem Terrarum Prussiæ, tam Ecclesiasticas quàm Seculares, Ecclesiis, tum ipsis Terris, earundemque Prælati, Baronibus, Nobilibus, Civibus, Incolis & quibuslibet personis, cujuscunque status & conditionis existentibus, per Divos Prædecessores nostros Principes tam Spirituales quàm Seculares Reges & Dominos Terrarum prædictarum justè & legitime donatas & concessas, & per nosmetipsos confirmatas manutenere, servare, custodire & attendere, in omnibus conditionibus atque punctis, & omnia illicitè ab  
eis-



eisdem Terris alienata aut distracta, pro posse suo, ad proprietatem earundem Terrarum recuperare: Terminos etiam earum non minuere, sed pro virili defendere & dilatare. Et quamdiu hoc ipsum Juramentum Majestas sua non præstiterit, & huic debito suo Regio non satisfecerit, Ipsi universi Status & Ordines earundem Terrarum & Civitatum nostrarum Prussiæ ad servandum Juramentum suum, quod Majestati suæ præstiterunt, non erunt astricti neque obligati. Verum quancumque post mortem nostram supradictis omnibus idem Serenissimus Filius noster, in ætate legitima existens, satisfecerit, & hujusmodi Juramentum debitum præstiterit, universi earundem Terrarum nostrarum Prussiæ Status & Ordines Subditi nostri, Illi ut vero & legitimo Domino & Regi suo coronato omnem fidelitatem & obedientiam obsequiaque, secundum Juramentum a se illi factum, præstare & exhibere tenebuntur. In cujus rei testimonium, Sigillum nostrum præsentibus est appensum. Datum in Conventu Generali Cracoviensi, feria sexta ante Dominicam Judica proxima, Anno Domini Millesimo, quingentesimo, trigesimo, Regni vero nostri vigesimo quarto. Christophorus de S. Castel. & Capit. Cracoviensis ac R. P. Cancell. sst.

## L I T E R Æ, D. SIGISMUNDI, REGIS,

Quibus post præstitum Jusjurandum Filii, solenniter iterum caveret universis Subditis, ejus Majestati neminem parere debere, nec imperio obnoxios fore, nisi prius omnia Jura Privilegia & Libertates Diplomate suo confirmaverit, & juxta ejus tenorem in executionem posuerit.

Anno 1537.

**S**IGISMUNDUS ejus Nominis Primus, Dei Gratiâ Rex Poloniæ, Magnus Dux Lithvaniæ, Russiæ, Masoviæ &c. Dominus & Hæres. Significamus tenore præsentium universis & singulis cu-



juslibet ordinis, dignitatis & conditionis hominibus, quum ante septem annos Consiliarii Regni nostri, singulari erga nos Domumque nostram Regiam studio & propensione permoti, tum imminetibus etiam difficultatibus atque motibus, quibus nunc universus ferè Orbis terrarum tumultuatur, obviam ituri, Serenissimum filium nostrum SIGISMUNDUM AUGUSTUM Regem sibi & Regno Poloniæ, nobisque Successorem voluntate nostra constituissent, ac ne res ea posthac ullò pactò in dubium revocari posset, Jurejurando sigillatim dato fidem suam ipsius Majestati obstrinxissent, quoniam is tum per ætatem nondum commodè vicissim ipsis Jusjurandum dare poterat, recepimus nos & spondimus, & Regiò verbò nostrò promissimus, ipsius Majestatem, cum annum quintumdecimum egressa fuisset, vicissim Subditis suis omnibus consentaneum Jusjurandum esse daturam, cujus formula continetur iis literis, quibus fidem tum nostram obstrinxeramus. Nunc itaque cum tempus id venisset, liberavit ipsius Majestatis fidem nostram pro se datam, taleque Jusjurandum, quale modò descriptum est, conceptis verbis ad Sancta Dei Evangelia publicè in Ecclesia Cathedrali Cracoviensi quarta die Februarii præsentis anni dedit. At nè quid ea res discriminis malique afferret, ita tum quoque in Electione illa cautum publicoque omnium consensu constitutum erat, ut, quoad nos viveremus, penes nos universa potestas & Regium imperium nihilominus maneret: Nunc etiam recepit idem Serenissimus Filius noster, spondit & regiò suò verbò promisit, literarumque monumentis ea de re conscriptis & signo suo consignatis cavit, viventibus nobis nihil se potestatis & jurisdictionis in Regno Poloniæ sibi esse vendicaturum, neque vi quemquam invitum ad jussa sua faciendum adacturum, sed omnia, seque ipsum denique semper in potestate nostra fore. Deinde quæcunque jurasset publicè, omnia se sine ulla controversia servaturum, defensurum atque executurum esse. Postremò, post obitum quoque nostrum, neminem prædictorum Subditorum suorum sibi parere debere, nec fore obnoxios fidei imperioque suo, nisi prius ipsis universa Jura, Privilegia, Libertates, Literas & Immunitates, à supramemoratis Majoribus suis Divis Regibus Poloniæ, & à nobis etiam concessas ac donatas, quæque in  
poste-



posterum, dum vivimus, à nobis concedentur donabunturque, Diplomate suo Regio confirmaverit, & pro viribus suis juxta tenores earundem in executionem posuerit. Quæ omnia nos quoque pro eodem Serenissimo Filio nostro recipimus, spondemus & Regio verbo nostro promittimus. Id quod his literis signo nostro impresso consignatis testatum esse volumus. Datum Cracoviæ sexta Februarii Anno Domini Millesimo, quingentesimo, trigesimo septimo, Regni verò nostri Anno trigesimo primo.

# CONSTITUTIONES TERRARUM PRUSSIÆ,

In publicis Comitibus Thorunii conciliatæ, & D. SIGISMUNDI Regis autoritate pro commodo publico confirmatæ.

Anno 1538.

**S**IGISMUNDUS Dei Gratiâ Rex Poloniæ, Magnus Dux Lithvaniæ, Russiæ totiusque Prussiæ, Masoviæ &c. Dominus & Hæres. Significamus tenore præsentium, quibus expedit, universis præsentibus & futuris harum notitiam habituris, quia consulere volentes multiplicibus erroribus & abusibus, qui cum in divinis ac etiam humanis rebus inoleverant in Terris & Civitatibus nostris Prussiæ, ac bonæ Reformationi defectuum & dissidiorum, quæ in ipsis Terris oborta fuerant, utiliter intendentes, de consilio & consensu omnium Consiliariorum & Nunciorum Communitatis, tam Militaris quàm etiam Civilis Ordinis, infrascriptas Constitutiones edidimus, promulgavimus & confirmavimus.

Inprimis, quisque Palatinus habeat apud se exemplum seu copiam Privilegii Terrarum Prussiæ, & illud unicuique petenti ostendet



det, & coram eo legi faciet, quod nos manutenere, & secundum ipsius tenorem tam Spiritualium quam Secularium Dignitates, Officia & Capitaneatus solis & propriis Terrarum Prussiæ Indigenis conferemus.

Judicia Terrestria in singulis Palatinatibus quotannis bis servantur, ita ut in Palatinatu Culmensi primum Judicium feria tertia post Dominicam Quasimodogeniti, secundum autem feria tertia post Lamperti celebretur. In aliis autem Palatinatibus juxta veterem consuetudinem observetur. Ex quibus quidem Judiciis Terrestribus Appellationes ordinariæ fiant ad Conventus Generales Terrarum Prussiæ; A Conventibus autem Generalibus ad Regium Tribunal nostrum, donec alterutra partium tres conformes sententias obtinuerit.

Ut autem frivolæ & temerariæ Appellationes nonnihil cohibeantur, quisquis in Judicio Terrestri ad Conventum generale appellaverit, tres Marcas in Judicium reponat; Si vero à Conventu generali ad nos appellatum fuerit, sex floreni per triginta grossos deponantur. Et si Appellans coram Judice appellato succubuerit, in usum publicum Judicii, in quo erant repositi, cedant; alioquin parti restituantur.

Nec Palatini Causas ad Jus Terrestre spectantes, nisi de consensu partium, judicent, & provocantes ad Judicium Terrestre remittant: Exceptis causis levioribus, quæ videlicet valorem decem Marcarum non excedant. Hæ quidem sine strepitu judicii de simplici & plano ab eis componi possunt. In Causis autem sanguinis & facto recenti deprehensis, indilatam Justitiam ministrent, nec partes contententes ad componendam amicè inter se controversiam cogant, nec ulla pœnas exigant, nisi per Judicium decretas, quarum pœnarum tertia pars Judicio Terrestri, reliquæ duæ partes Palatino loci cedant.

Palatini & Capitanei citato tam in Judicio Terrestri quam Conventuum publicorum, respondere sint obligati: Exceptis Actionibus super Bonis nostris Regalibus emergentibus. Capitanei autem juxta continentiam Privilegii Terrarum Prussiæ sint indigenæ possessionati, ratione quarum possessionum si Bona terrestria fuerint, Judicio Terrestri sunt subiecti.

ut



Ut autem temerariæ lites amputentur, Commissarios sive Judices delegatos non deputabimus in Causis ad Judicium Terrestre spectantibus, & minùs in eo jam pendentibus, nisi per Appellationem Ordinariam, de qua superius dictum est, à Sententia definitiva seu interlocutoria jam lata, ad Tribunal nostrum devolutæ fuerint; Exceptis Causis limitum Bonorum nostrorum Regalium, & divisione fratrum & proximorum.

Nec Judices delegatos seu Commissarios, à quibus semel appellatum est, in eadem Causa denuò deputabimus, aut Causam ad ipsos remitemus. Non enim verisimile aut honestum videtur, quòd Judex pristinam suam sententiam retractet, aut aliter postea judicet, quàm antea judicaverat.

Conventus autem publici seu generales, juxta proximam Ordinationem nostram, in Prussia quotannis bis celebrentur, Vero videlicet tempore Mariæburgi ad diem Sancti Stanislai; Tempore autem Autumni in Graudentz ad diem Sancti Michaëlis. In nostro tamen arbitrio erit, cum res ita postulaverit, alium locum & tempus hujusmodi Conventibus præscribere. Peculiares autem Conventus per nos instituendi locum & diem ex nostro arbitrio sortientur.

Ad prædictos Generales Conventus omnes Causæ tam ex Civitatibus, quàm ex Judiciis Terrestribus per Appellationem devolvantur, & etiam sine speciali commissione nostra judicentur. Deinde verò, & non antea, ad supremum Tribunal nostrum remittantur, parte provocante, cui ad prosequendam Appellationem à Judicibus legitimus terminus præfigatur, quàm Appellationem si intra unius anni spatium non prosequeretur, prior Sententia juxta Juris communis dispositionem, ut prædictum est, in rem transeat judicatum & executioni demandetur.

Ante Conventum verò publicum, per Nos & Successores nostros singulariter instituendum, in singulis Palatinatibus, Culmensi videlicet, Mariæburgensi & Pomeraniæ, fiat Nobilitatis Conventio particularis, quam secundum morem antiquum Palatini, in singulis districtibus Palatinatûs sui, ad aliquem locum convenientem literis suis convocent, ut Nuncii ad hujusmodi Conventum mittendi



deligantur. Qui autem vocatus non comparuerit, pœnam duarum marcarum pendet, cujus medietas Palatino ejus loci, altera verò ærario publico proveniat; exceptis dictarum Terrarum Prussiæ Con-  
siliariis, sive equestris, sive civilis sint Ordinis.

At cum frustra Sententiæ ferantur, nisi legitimæ executioni dem-  
mandentur, volumus & infragibili Constitutione sancimus, ut deinceps unusquisque, cujusvis conditionis aut eminentiæ fuerit, rei judi-  
cata, sine omni contradictione, cum effectu pareat & obsequatur; Alioqui locorum Palatini, nullò aliò mandato expectato, legitimam  
executionem faciant, adjuncto sibi, ubi Causæ conditio id postu-  
laverit, Capitaneo & Nobilibus illius districtus, aut etiam, si ne-  
cessitas exegerit, omnibus & singulis Vassallis nostris, seu Nobilibus  
illius Palatinatus, quos ad assistendum illi sub Jurisjurandi debito, &  
amissione feudorum obligatos esse decernimus. Si verò majori po-  
tentia sit opus, negotium ad nos referri volumus, ut opportunis  
rationibus rebus provideamus.

Palatinos similiter ad hujusmodi executiones faciendas, Justiti-  
amque oppressis ministrandam, jusjurandum nobis præstitum adi-  
gat, quos etiam, si remissiores fuerint, quinquaginta florenorum  
Hungaricalium pœna plecti volumus, cujus multæ medietas parti,  
cui Justitia denegata est, altera verò medietas Ærario publico Ter-  
rarum Prussiæ cedat.

Ubi autem quis Executioni voluerit resistere, aut jam factam  
violare convictus fuerit, pœna banni sive proscriptionis, ac Bono-  
rum confiscatione irremissibiliter puniatur; Ex quibus Bonis parti  
læsæ primum fiat satis; quod reliquum fuerit, prædicto Fisco appli-  
cetur.

Statuimus prætereà, ut nullus Capitaneus, Nobilis, Civis aut  
quivis alius, cujusque conditionis existat, personis, castris, domi-  
bus aut possessionibus alicujus ullam violentiam inferre, incur-  
siones facere, in publicis stratis insidias ponere, præsumat: Super his  
convictus, juxta antiquum Plebiscitum Terræ Culmensis, Capitali  
pœna puniatur:

Et cum aliquis Nobilis decreto publici Conventus, Judicio Pa-  
latinorum aut Terrestris capitur, quod sub certis pœnis in potesta-  
tem



tem aut carcerem Civilem non tradatur, sed in manus Palatinorum. Si quis autem in Civitate, ubi nulla Arx est, capitur, & auctoritate Conventus, Palatini aut Judicii in carcerem Civilem conjicitur, in potestate eorundem, & non Civitatis permaneat; Fide jussoria autem cautione à carcere hujusmodi liberetur, nisi Causa fuerit Criminalis.

Et ut sub pœna viginti Florenorum Hugaricalium, quorum medietas Palatino, altera parti læsæ cedat, absque ulla remissione persolvenda, Nobiles & eorum Subditi, auctoritate seu potestate Civili, non capiantur, detineantur aut arrestentur. Nec Nobiles auctoritate propria capiant aut detineant Cives vel eorum Subditos, sed unusquisq; coram Judice suo ordinario conveniatur, & Justitiam requirat, nisi in Casibus recentibus & Actionibus Criminalibus, prout pax perpetua disponit, statuens, quòd delinquens in loco delicti deprehensus, & contrahens de contractu recenti in loco contractus poterit conveniri.

Præterea, ne in fluminibus Terrarum nostrarum Prussiæ ab antiquo navigabilibus quibuscunque obstacula fiant, ut tam piscibus quàm navibus & lignis liber transitus permittatur; Bonis ac Juribus nostris Regalibus & quorumcunque Privilegiis antiquis, & præscripta consuetudine, salvis.

Nobilibus autem, qui habent Privilegium piscandi in lacubus nostris Regiis, aut testibus fide dignis probare possunt, se fuisse in possessione piscandi, aut quorum limites aut ager stagnis nostris Regiis adjacet, his quidem piscatio permitti debet, sed parvis retibus duntaxat, ad usum & mensam eorum propriam, non autem ad vendendum, ea tamen conditione, ut retia castrensia in hyeme primos habeant tractus, & quòd tempore, quando pisces, qui Germanicè *Bressem* (Polonicè *Kliescz*) vocantur, semen aut foetum emittunt, nulli liberum sit in lacubus nostris Regiis piscari, ne hujusmodi piscium foetura in augmentando impediatur, sed nolumus per hunc Articulum Tenutariis Bonorum nostrorum Regalium aliquod præjudicium generari, aut ipsis, seu quibuslibet aliis proprios lacus habentibus, vim aliquam inferri, quòd minus juribus suis & antiquis Privilegiis uti possent.



Et præterea, ut Ecclesiastici Bona Terrestria Ecclesiis, ascribenda & approprianda sive incorporanda, absque speciali consensu nostro amodò non nisi à suis Vasallis emant, ne obsequia nobis ex ipsis debita intereant; Pro se verò privatim illa emere possunt, quæ si in vita sua non alienaverint, aut cuiquam non donaverint, ad eorum propinquos & consanguineos devolvantur.

Civibus Bona Terrestria, & Nobilibus Civilia Bona liberum sit deinceps emere, ita tamen, quòd ad paria onera utrinque ferenda sint obligati, quòd scilicet Cives, ratione Bonorum Terrestrium, omnia Nobilitatis onera, & Nobiles, ratione Civilium Bonorum, omnia Civilia onera, æquis passibus ferant.

Nec amodò liceat rusticis feras in nemoribus venari, nec laqueos in sylvis & agris ponere, canes aut retia venatoria habere: Alioqui in potestate Dominorum sit bombardas, canes & retia hujusmodi auferre, & pro qualitate excessus mandatum prævaricantes in decem marcis Domino fundi applicandis toties quoties punire. Exceptis fossis pro Luporum captura, quas, sine tamen cujusvis præjudicio, quilibet cum consensu Dominorum suorum habere potest.

Simili modo nec Palatini, Capitanei aut Nobiles, alter in alterius fundo, absque voluntate Domini fundi, venari, nec in sylvis feras domare aut cicurare debet, quod Klupffen vocant, sub amissione rerum, equorum & curruum.

Bombardis autem nemo omninò nec in propriis nec in alienis sylvis, sub pœna centum florenorum Hungaricalium irremissibiliter solvendorum, amodò utatur; cujus multæ medietas nobis, altera Aerario publico Terrarum Prussiæ proveniat.

Et item, ut Palatini & Capitanei, quisque in suo Palatinatu & Capitaneatu diligenter fines Terrarum observent, ne prædones & grassatores ingrediendo & egrediendo impunè grassentur.

Et præterea, ne rustici cum bombardis, cuspidibus, lanceis, gladiis, aut similibus armis, publicè aut privatim incedant, eaque deferant, nisi ad venationem, aut publicam pacem tuendam, à Dominis & Potestatibus suis evocati fuerint: Scultetis etiam exceptis, quibus ob publicam functionem armatis esse liceat.



Ex quo etiam multorum querimoniis accepimus, quosdam Officialium nostrorum, præsertim Tucholienses, prætextu Mandati prohibitorii de invectione Salis peregrini in Poloniam, innocentibus, antequam finibus Terræ appropinquent, Salem adimere, quod quia iniquum est, sub gravi indignatione nostra prohibemus, ne de cætero cuiquam adimatur, nisi ultra fines transgresso.

Nobiles præterea districtus Schlochoviensis, instar rusticorum, ut ligna ad Arcem ducant, aut alia servitia rusticalia faciant, cogi nolumus, sed antiquam consuetudinem servandam esse decernimus.\*

Cum etiam Mercatores, & præsertim peregrini sive exotici homines, in Nobilitatis ac Civitatum injuriam, pelles, frumenta, humulum, ceram, linum, & alia mercium genera, in villis ac pagis, clam & publicè coëmere, & negociationes illicitas exercere soleant, auctoritate nostra Regia firmiter prohibemus, ne id de cætero fiat, statuentes, ut deinceps Subditi Dominorum, merces & res suas vendibiles in Civitates juxta veterem consuetudinem ducant, & in foro publico venales exhibeant; legitima tamen Dominorum suorum, cum pellibus ferarum & bestiolarum sylvestrium, ratione habita; Alioqui Emptoribus equos & currus, Venditoribus autem res venditas a Præfectis nostris adimi & confiscari volumus.

Mandamus insuper, & ita omnino habere volumus, ut Palatini debitores decimarum aratralium, & quorumvis Ecclesiasticorum proventuum Censuras contumaciter sustinentes ad hujusmodi debitorum solutionem remediis opportunis compellant, ne Ecclesiastici proventibus suis fraudentur.

Ea itaque omnia & singula superius descripta, quæ vel veterum Privilegiorum rationem continent, firma & fixa, ut prius, vel noviter ad publicum commodum inventa, rata & perpetua esse volumus. Harum serie literarum, quibus & manum & sigillum nostrum apponere curavimus. Datum Cracoviæ feria quinta post festum Nativitatis Beatissimæ Virginis Mariæ proxima, Anno ejusdem par-

G 2

tius

\* *Kujaviensium, Dobrinensiumque Terra ac Russiæ olim Avenam pen-  
debat. Vid. Herbart. tit. Avena fol. 20 juxta Exemplar Gedani Anno 1693,  
impressum;*



tus Milleſimo, quingentefimo, trigeſimo octavo, Regni verò noſtri Anno trigeſimo ſecundo. SIGISMUNDUS Rex ſſpt.

# PRIVILEGIUM

## D. SIGISMUNDI REGIS,

De Instantiis (quas vocant) in Judiciis Terrarum Prusiæ obſervandis.

Anno 1542.

**S**IGISMUNDUS Dei Gratiâ Rex Poloniae, Magnus Dux Lithvaniae, Russiae, Prussiae, ac Masoviae &c. Dominus & Haeres. Universis & singulis, in quorum manus haec nostrae litterae pervenerint, planum testatumque facimus, quod cum & à Consiliariis, & à reliquis Ordinibus Terrarum nostrarum Prussiae, una omnium voce fuisset nobis supplicatum, ut tres tantum, non quatuor, esse vellemus judiciorum Instantias, ita ut à secunda instantia rectè ad Nos, non autem ad Consiliarios Terrarum nostrarum Prussiae, fieret Appellatio. Nos tantum esse ea in re omnium Ordinum consensum videntes, adq; illud unà considerantes, quod & Juris Ordini magis congruit, & cum ipsis litigantibus, tum Consiliariis Terrarum nostrarum Prussiae minus est onerosum futurum, quorum illi sumptu inutili, hi verò supervacaneo labore & molestia liberabuntur, si tres tantum Judiciorum Instantiae observentur: Judicia Civitatum & Oppidorum nostrorum Prussiae in hunc ordinem redigenda putavimus, ita ut praesentibus redigimus. Majoribus in Civitatibus Terrarum nostrarum Prussiae apud Judicium Scabinorum primam esse volumus Instantiam, à quo ad Senatum, à Senatu rectè ad Tribunal nostrum Regium Appellationem fieri. In Minoribus verò Civitatibus prima ut sit instantia apud Judicium Civile, à quo, si litis aestimatio non excedat pretium aut valorem quinquaginta marcarum Pruthenicalium levis monetae possit fieri Appellatio ad Capitaneos & Praefectos locorum, & ibi fiat secunda Instantia; à quibus cui visum erit,



erit, liceat appellare ad Tribunal nostrum Regium. Ubi verò valorem quinquaginta marcarum excefferit, fiat Appellatio à Judico Civili ad Consiliarios Terrarum nostrarum Prussiæ, ut apud eos tunc secunda sit Instantia, à quibus rectà ad Regium Tribunal nostrum appelletur. Quod autem attinet ad Judicia Terrestria, maneat & servetur per omnia, ut est in Constitutionibus expressum. Hunc Nos Appellationum ordinem inviolatè ab omnibus in Majoribus & Minoribus Civitatibus Terrarum nostrarum Prussiæ volumus observari, & mandamus tertiam Instantiam apud Nos & non alibi esse debere presentibus decernentes. Harum, quibus Sigillum nostrum est appensum, testimoniò literarum. Datum Cracoviæ feria quartain Vigilia S Matthæi Apostoli & Evangelistæ, Anno Domini Millesimo, quingentesimo, quadragesimo secundo; Regni verò nostri Anno trigesimo sexto. SIGISMUNDUS Rex sript.

# LEGATIO

## D. SIGISMUNDI REGIS,

### Ad ORDINES

### TERRARUM PRUSSIÆ,

Quâ perspicuum est, eosdem Ordines, licet unum sint cum Regno Corpus, diversa tamen habere Jura, & ad auxilia contra quosvis hostium impetus ferenda non esse astrictos; Regiam quoque Majestatem Juribus Terrarum Prussiæ nihil detractum cupere. Anno Domini

1592.

**S**alute dicta & Gratiâ Regiâ in hanc sententiam Orator noster verba faciet. Deliberatum erat Sacræ Majestati Regiæ, quandoquidem non sine gravi animi sui molestia toties id frustra egit, non amplius instare atque urgere, ut pro officio suo Do. Ve-



stræ Terrarum harum Prussiæ rationibus consulerent, quas impediri per nonnullos intelligebat. Nam neque personæ dignitatisque suæ id esse putavit incassum ea tentari, quæ tot missis nunciis, tot tam accuratis hortationibus & modò non obtestationibus obtineri hæcenus non potuerunt. Cum tamen non suæ privatæ utilitati, sed Reipubl. Terrarum istarum commodo, periculosissimis temporibus his, pro boni Regis verique patriæ parentis officio, prospectum voluerit facilè, conicere possunt Do. Vestræ, quandoquidem tot jam legationibus nihil aliud postulatum est per S. Majestatem Regiam à Do. Vestris, quàm ut suam ipsorum & charissimorum pignorum, conjugumque suarum salutis curam susciperent, ut fortunas suas salvas vellent, ut tuendæ & defendendæ Patriæ suæ rationem aliquam inirent, quo ferendum illi animo fuerit, nihil se tantopere instando atque urgendo proficere potuisse; poterat certè offensus animus eorum curam abjicere, quos ipsos sui curam priores abjecisse, suæque postulationis & paternæ admonitionis tam exiguam habuisse rationem videbat. Sed quò est paternò erga suos animò, quaque est senili prudentiâ, etiamsi erratum ab his graviter videbat, quos liberorum loco charos habet, non ideò tamen suum ab illis animum prorsus alienandum, neque curam eorum posthabendam existimavit: Me ad Do. Vestras misit, ut, qui oculatus fui testis eorum, quæ proximo superiore Autumno ad Budam gesta sunt, qui modò non ipse interfui miserandæ cladi illi, quam à Turcis eo tempore Respubl. Christiana majorem accepit, quàm ut fando explicari queat, verbis Majestatis ejus Do. Vestras admonerem, ut animò secum diligenter reputarent, quantum in periculum non modò Ungaria & Germania, verùm etiam inclytum Poloniæ Regnum & Terræ istæ Prussiæ universæ ex hac tanta Christiani exercitus strage sint adductæ. Si fuit aliquando, nunc hora est maximè, nos de somno surgere: Appropinquavit enim ille, qui tanquam Leo circumiens quærit, quem devoret. Nullum sibi quidem indictum à quoquam & denunciatum bellum habet S. Majestas Regia, quæ experientia magistra didicit, nihil esse pace utilius, cujus nomen dulce, res est ipsa cumprimis salutaris. Semper itaque Majestas ejus à turbulentis consiliis abhorruit, neq; irritandum atque armis lacessendum quenquam putavit



vit, etiamſi laceſſita neq; animum neq; vires ſibi deeſſe oſtendit Chriſto; conatus ejus adjuvante, ad vini cujuſvis propulſandam, ne nunc quidem alio eſt animo, quin potiùs in veteri more inſtitutoque ſuo perſeverare ſtatuit; ſed ea videt eſſe tempora, quibus majora, quàm unquam antea, Regno ditionibusque Majeſtatis ejus impendent pericula. Quare provocare ipſa neminem decrevit, ſed providendum eſſe nihilominùs dubiis temporibus his cenſet, ſi quæ nec opinato vis alicunde major exiſtat, quemadmodum ea propelli queat. Intelligit S. Majeſtas Regia, quæ ſua ſit, quæ hoſtium potentia, ſuis ipſa viribus non eſſe fidendum proſpicit, ſed Chriſti ſolius gratiæ & miſericordiæ, qui vult nihilominùs, ſi adjuvari à ſe velimus, ut & ipſi manus admoveamus. In hoc itaque ſpe omni & fiducia collocata, non in curribus, non in equis, ſed in ſolo nomine Domini noſtri JESU CHRISTI, perſuadet ſibi S. Majeſtas Regia, ſi ſuorum omnium vires conjunctas habeat, etiamſi nulla adſint externa auxilia, poſſe ſe tamen, Chriſto Duce, quamlibet magnam hoſtium vim propulſare; ſed ſi ſolius Regni copiis id fieri poſſe credat, metuit, ne tentare Dominum videatur. Quamobrem in hoc ſtudium toto (quod ajunt) pectore incumbit, ut non modò Regni, verùm etiam omnium Terrarum ditionumq; ſuarum vires, contra vim aliquam majorem, conjunctas habere queat, a qua ratione cùm non abhorreſcere videatur Magnus Ducatus Lithvaniæ, qui tamen ad Regnum nequaquam pertinet, quantò magis æquum eſt, eandem ad rem ſuas Do. Veſtras voluntates inclinare, quæ etiamſi Jura habeant diverſa, idem tamen certè cum Regno Corpus ſunt. Nihil eſt neceſſe repetere eadem, quæ antea quoque dicta ſunt Do. Veſtris, & quæ ipſæ pro ſua prudentia facilè perſpiciunt, quàm facilè ſit diſperſos vincere, quàm difficile in unum omnes congregatos. Si, quòd Deus omen avertat, aliquid de Regno actum eſſet, quæ ſpes reliqua Terris his eſſe poſſet? Hoc itaque providendum eſt omni ratione, ut totum Regni corpus, ſi quæ vis major ſit, ei ſe opponat, adjunctis etiam eorum auxiliis, qui etſi ad Regni Corpus non ſpectant, eidem tamen Domino ſubſunt. Nihil eſt, quòd hic Legum & patriarum Conſtitutionum fiat mentio, quæ cùm ad utilitatem Reipublicæ lata ſint, ad interitum ejus uti eis velle rationis non eſt. Non hoc poſtulat Sa-  
cra



era Majestas Regia, ut ad quemvis hostium impetum suas Do. Vestrae cum Regno vires conjungant; nihil illa de Juribus Terrae hujus detractum cupit: Sed si usus veniat, quod tamen prohibere Divina misericordia dignetur, ut potentior aliquis hostis ingruat, tum vero postulat Sacra Majestas Regia, ut tanquam ad commune incendium restringendum communibus omnium viribus succurratur, ne si de Legum literis disputare, quam armis libertatem nostram tueri maluerimus, non modò Jura nobis nostra eripiantur, sed nos etiam ipsi una, & conjuges liberique nostri, partim vitâ fortunisque omnibusevertamur, partim in duram servitutem captivi ducamur, quæ omnia gratiâ suâ & misericordiâ procul à nobis Deus avertere dignetur. Admoneat Do. Vestras infelicis Ungariæ casus, quæ, si conjunctis omnium viribus hostili potentiæ restitisset, nondum fortassis ad hanc calamitatem pervenisset, quam sine lacrymis nemo commemorare potest. Hoc unâ secum reputent Do. Vestrae, quæ fides Regni & Domino debeatur, quàm id indecorum, quàm parum honestum nobis futurum esset, quàm à Nobilitate Virtuteque nostra prorsus alienum, Regem & Dominum nostrum, de nobis benè merentem, de Regno, deque fortunis suis omnibus dimicantem deferere, neque ei periclitanti omni ope nostra adesse. Non est, quòd Do. Vestrae in id tempus consultationem hac de re rejiciant, quò armis potius, quàm consilio, opus futurum esset. Tempori providendum est, si & Regem nostrum & nos ipsos salvos esse volumus. Nam & hæc ipsa ætas, quæ instat, quid allatura sit, quis est, qui certò scire queat? Non modò Serenissimo Ro. Regi, sed & fratri ejus Imperatoriæ Majestati, graviter his temporibus fortuna est adversata, quæ non minorem, quàm ipse Serenissimus Rom. Rex cladem accepisse certò nunciatur, qua ex re dubium non est, quin creverint animi communi Christiani nominis hosti. Omnia itaque formidat S. Majestas Regia, ac tempori prospiciendum suis esse putat. Quapropter in his ipsis Comitibus constituent jam tandem Do. Vestrae, quibus copiis adesse Regno possint, si quis hostium fiat validior impetus: Ac, ne desint bellorum nervi, certam etiam pecuniam contribuendam decernant, quâ conduci miles queat, si qua id necessitas postulet.

Hæc



Hæc sunt, de quibus agere me cum Do. Vestris S. Majestas Regia misit, quæ cum ejus generis sint, ut ad salutem earum tuendam, ad fortunas conservandas pertineant, etiam atq; etiam pro paterno animo suo Do. vestras hortatur S. Majestas Regia, ne usque adeo Reipubl. suæ commodorum, neve suæ ipsius & liberorum conjugumq; suarum salutis oblivisci velint, ut salubribus his monitis S. Majestatis R. obtemperandum non putent; Meminerint potius, quid Principi suo, quid Patriæ suæ debeant, atque ad illius utilitatem consilia omnia dirigant.

Quoniam verò allatæ sunt non pridem literæ ad S. Majestatem Regiam, à Serenissima Do. Maria Hungariæ Regina, quibus postulat, ut ratio inveniatur, quâ per Serenissim. Dominum Daniæ Regem hominibus ejus ultro citroque tutò navigare liceat, quòd nisi curatum sit, sibi necesse fore, ut aliorum Principum, ita nostris quoque Subditis navigatione interdicere. Harum literarum exemplum ad se missum Do. Vestris profero, ut posteaquàm legerint, quideam de re consilii capiendum sit, S. Majestati Regiæ significant; quò commodis harum Terrarum prospiciatur, ut libera omnibus & segura sit navigatio, &c. Samuel Episcop. Plocen. & Vice-Cancell. sst.

AD

**D. SIGISMUDUM REGEM,  
O R D I N U M  
TERRARUM PRUSSIÆ,  
MISSA LEGATIO.**

Quâ petierunt, ut Privilegiorum literas, progenitorum fide, virtute & sanguine partas & ab ipsis fide & conscientia non pejore hæctenus possessas, ratas inviolatasque conservaret; Terrarum tum temporis Præfide Vigilantissimo Reverendissimo

Domino Tidemannno Gisio Episcopo Varmienti,

Anno Domini 1593.

H

IN



**I**N magna perturbatione Anno superiore, Serenissime Rex, constituti S. Majestatis Vestrae subditi Consilarii Terrarum Prussiae, cum eorum Jura & Privilegia solito acrius oppugnarentur, collatio consilio cum ceteris illarum Terrarum Statibus, nos ex singulis quibusque Ordinibus delectos ad Sereniss. Majestatem Vestram designaverant Oratores. Quoniam vero ejusmodi videbatur esse causa, quae Majestatis Regiae animum perplexiorem reddere posset, si sine mediatore commodo apud ipsam ageretur, censuerunt prius Legationis nostrae rationes omnes S. Majestatis Vestrae Filio, Regi & Domino nostro clementissimo, ad quem totius negotii pondus perventurum erat, exponendas esse.

Missi igitur in Lithvaniae Ducatum, cuncta ad ejus Majestatem retulimus, quae apud S. Majestatem Vestram agenda nobis essent, quorum omnium exempla atque ipsam instructam Legationem cum non ignoremus ad Majestatem V. transmissam fuisse, nolumus nunc iterata illorum recensione auribus Majestatis V. duplicato taedio esse molestiores. Ne tamen fides desit relatis, ipsum Legationibus autographum V. Majestati, quandocunque jusserit, exhibere parati sumus: Interim alterum ipsius exemplum, per opportunitatem coram Majestate Vestra recitandum, offerimus, humiliter eam precantes, dignetur haec non certandi studio, sed supplici & sincera fide, nec citra necessitatem proposita, in benigniorem partem interpretari, ac pio, ut solet, affectu in animum admittere.

Quoniam vero nobis & fratribus nostris plus praesidii est in naturali clementia & aequitate Majestatis Vestrae quam in contentiosa verborum & argumentorum explicatione, ipsas Privilegiorum literas, quibus nitimur, publicae fide exceptas, reponimus & prosterminimus ad pedes Majestatis V. cui potestas est vel conculcare illas, si id commeriti sumus, vel rata inviolataque conservare ea, quae solenni pactorum foedere recepta sanctè, ac non solum clarissima memoriae CASIMIRI Regis Parentis, sed ipsius quoque Majestatis V. & plurimorum Procerum, hujus Regni Senatorum, quoque nepotes & cognati adhuc supersunt, sigillis & sponsonibus stabilita esse, haec, quae hic coram Majestate V. in prospectu jacent, clarissime testantur. Quae omnia progenitorum nostrorum fide, virtute & sanguine parta, cum à nobis posteris fide & conscientia non  
pe-



pejore sub Majestatis Vestræ tutela hætenus possideantur, Nos nomine dictorum Statuum ac omnium Majestatis V. subditorum, Terras Prussiæ incolentium, tam Spiritualium quàm Secularium, tam adultorum quàm à maternis uberibus pendentium, quorum omnium una libertatis agitur causa, una concussionis manet asperitas, ad pedes S. Majestatis Vestræ humiliter provoluti, per adorandam gloriam divinæ Majestatis, sub cujus conspectu acta & gesta sunt hæc omnia, per Domini nostri Jesu Christi pretiosum pro nobis effusum sanguinem redemptionis, istorum nostrorum fœderum conscium, per venerandum nomen & honorem Divi CASIMIRI Genitoris Majestatis V. qui omnium illorum fuit Dux, præses & author, per ipsius quoque Majestatis V. Regalem hunc thronum, & sacrum Regni Diadema, sub cujus protectione hætenus sustentati utcunque respiramus, per denique altissimam illam Majorum nostrorum fidem, quâ se & salutem suam, conjuges & liberos, fortunas & facultates suas omnes Divo Parenti Majestatis V. & inclyto huic Regno ultrò crediderunt, oramus & humiliter obsecramus Majestatem vestram, ejusque pietatem ac orbi celebrem fidem obtestamur, ne sinat hanc gloriosam senectutem dejici à conscia servatâ semper justitiæ erga omnes, ac à præconio illo Regalis constantiæ & moderationis, quò totius Orbis Monarchas hætenus antecellit, nec permittat, nos toto spiritu & anima sibi subjectos deturbari à libertate illa, quàm à Majestate Vestra & ejus Divo Parenti acceptam, hæreditariam in nos patres nostri transfuderunt, qua præter commeritum privari, non potest nobis vitæ & facultatum destitutione esse minus acerbum.

Commoniri autem usu & experientia invictæ clementiæ & æquitatis Majestatis Vestræ, firma sumus spe, Majorum nostrorum fidem & merita, ac in nos propagatam fidelitatem apud ipsam Majestatem Vestram digna haberi æstimatione, ac propterea nos & dictos Status sub gratia & protectione ejus ab hac infestatione deinceps fore tutos, restauratis his, quæ hætenus ab integritate sunt convulsa, quod devotissimè iterum supplicamus. Provocabit hac benignitate Majestas Vestra animos subditorum ad flagrantiora fidei & devotionis obsequia, ac sibi Serenissimoque Filio suo laudem hanc conservatâ, Justitiæ apud posteros indicibilem & sempiternam constituet.



Non dubitamus, Serenissime Rex, Sacra Majestas Vestra dignabitur nostris his humillimis nec inhonestis, imò & necessariis supplicationibus gratiosam aurem præbere, nosque clementer exauditos, ac sibi devotissime commendatos, ad fratres nostros latos nuncios remittere.

# SUPPLICATIO EORUNDEM LEGATORUM OBLATA REGIÆ MAJESTATI

Dic 23. Januarii.

**S**erenissime Rex, dignabitur Majestas Vestra in memoriam revocare, nos nuper nomine omnium Statuum Terrarum Prussiæ ad pedes Majestatis Vestræ provolutos non aliud petiisse, quam proprium Regiæ Celsitudinis officium, ut Jura & Privilegia nostra, quorum exempla ad pedes Majestatis V. collocavimus, nobis integra fide servarentur, ea sanè Privilegia, quæ ob excellentissima Majorum nostrorum merita à Serenissimis Poloniæ Regibus concessa, nobis posteris hæreditaria successione sunt per manus tradita. Quæ quamvis in collatione Dignitatum Officiorum & Præfecturarum nominumque fuerint cum injuria nostrorum interrupta, tamen à Majestate Vestra Thorunii nuper fuerunt in plurimorum Regni Senatorum præsentia reintegrata & innovata, multis subsecutis promissis Regiò Sigillò & manu firmatis, de non admittendo deinceps similium eruptionum eventum. Id verò quem in modum sit nobis conservatum (quòd multo gemitu referimus) præsentium temporum casus ostendit, quò non solum conatum & studia adversariorum in occupandis nostris Juribus acerrima, sed etiam ipsos jam occupatores nobis insultantes oculis cernimus. Ad quas reprimendas & tollendas injurias si non moverint animum Majestatis Vestræ sup-  
pli-



plices preces nostræ, tam religiosæ obtestationes Divini nominis ac passionis Domini nostri Jesu Christi, non habemus in mundo reliquum aliquid præsidii aut intercessionis; his nobis adversantibus, qui votorum nostrorum adstipulatores meritò esse deberent. Revertimur igitur ad unicum illud remedium supplicationis nostræ, per ipsius Domini nostri JESU Christi sacratissimam mortem, unicum hoc petentes, quod toties repetere coram Majestate Vestra pudor nos cohibet, ad hoc ipsum etiam pro nostra fidelium Consiliariorum fide consulentes, ut cuique Jura sua salva maneant. Quæ cum sit actionum nostrarum summa, obsecramus, nè diutius nos Majestas vestra in hac ambiguitate sustineat, sed petentibus nobis respondere dignetur, volet an non volet Privilegia nostra integra nobis conservare & manutenere, simulque nobis integra restituere, quæ contra Privilegia nostra sunt alienata, ac scripto aliquo hanc suæ voluntatis declarationem nobis attestari, ut de actis nostris & hujus Legationis nostræ successu fidem fratribus nostris facere liceat, ac omnibus Majestatis Vestræ subditis referre, quæ ipsis restet libertatis spes & conditio. Non enim, Serenissime Rex, proptereà huc missi sumus, ut de Statu & Libertatibus nostris Judicio contendamus cum quoquam; minimè verò, ut eorum subeamus cognitionem, quorum superioritatem non agnoscimus, sed quorundam ex illis adversitatem experimur. Negotium nobis cum nemine est, nisi cum S. Majestate Vestra quæ ut pacta & conventa ac toties promissa server, divino & humano Jure nobis est obligata. Nos partes nostras exegimus humilitatis & supplicitatis debitæ, nec spem deponimus, quin sacra Majestas Vestra justitiæ rationibus devicta, ea, quæ à nostris Privilegiis, Imaximè in Castorum & Præfecturarum alienatione hætenus sunt avulsa, nobis hic præsentibus restaurare dignabitur, ratione aliqua reperta, qua his Dominis, qui Inscriptiões novas utcunque super his obtinuerunt, pro præstitis servitiis compensatio aliqua citra nostram injuriam fieri possit: Interim etiam provisò, ut Generosus Dominus à Bayen Castellanus Elbingensis ob insignia merita progenitorum suorum liberè fruatur Inscriptiõibus, quas super Castro Mewensi à Majestate Vestra obtinet, ante quarum exitum deturbare illum Dominus Palatinus Plocensis conatus est, de qua inconcessa licentia ex Terris Prussiæ plerique exa-



cerbati ad nos scripserunt ; Nec parum nos quoque afflixit, quod hæc, nobis hic apud Majestatem Vestram ad ejus vocationem presentibus præter spem & opinionem admittuntur. Dignetur autem Sacra Majestas Vestra his omnibus rebus Regia benignitate ita prospicere, ne cum mœrore & pudore ad fratres nostros reversi, majorem etiam ipsis mœrorem afferamus, acceptura pro hoc Justitiæ merito, præter divinæ gratiæ pensationem, etiam hujus afflictæ nobisque dolendæ valetudinis suæ optatam laxationem : A nobis verò consolatis subditis suis, quæ indè commoda sibi Serenissimoque Filio suo proventura sint, pro sua incomparabili prudentia, ipsa æstimabit. Ejusdem S. Majestatis Vestræ. Subditi Legati omnium Statuum Terrarum Prussiæ unà cum Equestri Ordinis & Civitatum Minorum Nunciis.

## L I T E R Æ, D. SIGISMUNDI AUGUSTI R E G I S,

Quibus se debitum Jusjurandum præstitisse, & ita Serenissimi Parentis pro se datam fidem liberasse significat, & solenniter cavet, quòd post obitum Patris nemo Subditorum parere debeat, nisi prius ipsis omnia Jura & Privilegia tam publica quàm privata, & quasvis Literas, Libertates, & Immunitates, à Serenissimo Parente adhuc donandas & constituendas, literis suis confirmaverit, & juxta continentiam & tenores earundem in debita executione posuerit.

Anno 1537.

**S**IGISMUNDUS AUGUSTUS Dei Gratiâ Rex Poloniæ, Magnus Dux Lithvaniæ, Russiæ, Prussiæ, Masoviæ &c. Dominus & Hæres, significamus testatumque facimus universis & singulis cujuslibet Ordinis, Dignitatis atque conditionis hominibus, quum Consiliarij



filiarii Regni nostri Poloniæ, singulari quadam propensione erga Serenissimum Parentem nostrum Dominum Dominum SIGISMUNDUM ejus nominis Primum Regem Poloniæ, & erga Nos profapiamque nostram universam adducti, Anno abhinc septimo nos Regem Poloniæ designarent, eidemque Regno, obedientiæ & fidelitatis Jurejurando nobis dato, nos inaugurarent receptis eis pro nobis & spondidit, & literarum monumentis consignatis cavit idem Serenissimus Parens noster, quo volente & adjuvante hæc fiebant minimè teneri eos jurejurando suo, quòd nobis præstitissent, nec imperio nostro parere debere, nisi nos ipsis vicissim juraremus, Nos omnia jura, Privilegia, libertates, literas & immunitates justas & legitimas ejusdem Regni nostri Ecelesiasticas & Seculares, quibusvis Ordinibus & hominibus, nemine excepto, a Majoribus nostris Regibus Poloniæ, præsertim autem à Divo Casimiro antiquo, Ludovico, Vladislao Proavo, Vladislao magno Patruo, Casimiro Avo, Joanne Alberto & Alexandro Patruis, & Serenissimo Sigismundo Primo Patre nostro donatas, omininò ratas habituros esse, servaturos & defensoros, omniaq; iniquè ab eodem Regno abalienata atq; distracta pro viribus nostris recuperaturos, & ad unionem Regni aggregaturos, nec imminuturos fines ejusdem Regni Poloniæ, sed aucturos potius prolaturusque quoad poterimus, atque id Jusjurandum ut tum denique daremus, cum adultiorem ætatem attigissemus, hoc est, cum quindecimum ætatis nostræ annum egressi essemus, verum ea lege tamen, ut nihilominus universa ejusdem Regni Poloniæ potestas, imperium & Jurisdictio penes Serenissimum Parentem nostrum esset, quoad is viveret. Id verò tempus præscriptum quum advenisset, juravimus publicè in summo templo in Arce Cracoviensi, quarta die Februarii anni præsentis, verbis conceptis ad Sancta Dei Evangelia, in eam Sententiam, cujus supra meminimus, & Serenissimi Parentis nostri fidem pro nobis datum liberavimus. Caterum ut pactis illis & conditionibus, quibus ad nos Regnum delatum est, stemus, & ne idem illud Regnum nostrum ullis turbis atque difficultatibus involveremus, memores primorum beneficiorum, officiique nostri, atque benevolentiae singularis erga nos omnium nostrorum Subditorum, recipimus, spondemus ac Regio nostro verbo pollicemur, primum, omnia nos, quacunque jura-



juravimus, omnibus Subditis nostris Incolis Regni Poloniae, cujuscunque Ordinis & conditionis fuerint, absque ulla controversia, servare, defendere, & exequi velle. Deinde, nihil nos imperii neque Jurisdictionis in eodem Regno, vivente Serenissimo Patre nostro nobis esse usurpaturos, neque coacturos quenkum invitum & recusantem voluntati jussisque nostris parere, sed in ejusdem Serenissimi Parentis nostri potestate, quoad victurus est, omnia nosque ipsos etiam futuros esse: Postremo post obitum etiam, qui utinam sero contingat, Serenissimi Patris nostri, neminem praedictorum Subditorum nostrorum nobis parere debere, nisi prius ipsis universis omnia Jura & Privilegia, tam Regni nostri Poloniae & ditionum ejus communia, quam privatarum personarum aut Locorum quorumcunque privata, & quasvis Libertates, Literas & Immunitates, à supramemoratis Majoribus nostris donatas, quaque deinceps adhuc à Serenissimo Patre nostro, quamdiu vivet, donabuntur & constituentur, literis nostris confirmaverimus, atque juxta continentiam & tenores earundem in debita executione posuerimus. Quae omnia libenter pro viribus nostris faciemus & exequemur, quod ut certum firmitumque sit, signo nostro, quod nunc utimur, literas hasce consignavimus, & manu nostra subscripsimus. Datum Cracoviae sexta Februarii, Anno Domini Millesimo, quingentesimo, trigesimo septimo.

# DECLARATIO JURAMENTI D. SIGISMUNDI AUGUSTI REGIS,

REGNO POLONIAE PRÆSTITI,

Illud ad Terras quoque Prussiae pertinere; illasque cum suis Subditis in illo esse comprehensas.

Anno 1549.

SL



**S**IGISMUNDUS AUGUSTUS Dei Gratiâ Rex Poloniæ, Magnus Dux Lithvaniæ, Russiæ, totius Prussiæ, Masoviæ &c Dominus & Hæres. Significamus præsentibus literis, quorum interest, universis, quoniam in dubium vertitur, an Jusjurandum nostrum, quod Anno Millesimo, quingentesimo, trigesimo septimo solenniter præstitimus, Status quoque & Subditos Terrarum nostrarum Prussiæ comprehendat, cum ad Status tantum Regni Poloniæ videatur adstrictum, de aliis Dominiis ipsi Regno incorporatis nulla mentione facta. Nos pro libertate fidei Divi Parentis nostri, & Securitate Terrarum nostrarum Prussiæ, præsentibus declarantibus & interpretantibus hoc nostrum Juramentum, bona fide dicimus & affirmamus, nostram intentionem & mentem, tunc cum juravimus, fuisse, nec alio sensu à nobis intellectum esse, quam ut ipsum Juramentum, etiam ad Terras Prussiæ pertineret, ipsæque Terræ cum illis Subditis in illo essent comprehensæ, uti & comprehensas volumus & interpretamur, Harum testimonio literarum, quibus Sigillum nostrum est impressum. Datum Piotrkoviæ pridie Epiphaniæ Domini in Conventione Regni Generali, Anno Domini Millesimo, quingentesimo, quadragesimo nono, Regni nostri decimo nono. Samuel Episcopus Cracoviensis & R. P. Cancell. spt. Relatio Reverendi in Christo Patris Domini Samuelis Episcopi Cracoviensis, & Regni Poloniæ Cancellarii &c

# JURAMENTUM REGNO POLONIÆ PRÆSTITUM,

## D. STEPHANUS REX

Etiam ad PRUSSOS pertinere declarat. Quorum Jura confirmat, & communem cum Regnicolis novis Regis Electionem ac Coronationem cavet.

ANNO 1576.

I

STE.



**S**TEPHANUS, Dei Gratiâ Rex Poloniæ, Magnus Dux Lithvaniæ, Russiæ, Prussiæ, Masoviæ, Samogitiæ, Livoniæque ac Princeps Transylvaniæ. Significamus tenore præsentium, quorum interest universis & singulis. Cùm pro clementia & officio nostro Regali, Jura & Privilegia Regni Poloniæ, Magnique Ducatus Lithvaniæ & Terrarum iis junctarum, Cracoviæ in felici Coronatione Nostra Juramento sanximus, juxta formam ejusdem Juramenti in Comitibus dictæ coronationis nostræ editam, accidit, ut Consilarii & Ordines Terrarum nostrarum Prussiæ, circa illud nostrum Jusjurandum ac coronationem nostram, non adessent. Unde de Jure Coronationum Regum, quod commune cum aliis Regnicolis habent, periclitari videbantur, atque etiam cum in dicto Juramento expressum habeatur. Nos omnia Jura, Libertates, Immunitates, Privilegia publica, & privata, juri communi & libertatibus utriusque gentis tam Polonicæ quàm Lithvanicæ non contraria firma & rata habituros. Nulla Terrarum Prussiæ aut Jurium earundem speciali mentione adjecta, verebantur iidem Consilarii & Status dictarum Terrarum, ne qua dubitatio inde oriretur, quò minus juramentò Terris quoque Prussiæ obstricti, aut Juribus eorum hoc modo satis debite cavisse videremur, cum Juribus, Privilegiis, immunitatibus, constitutionibus consuetudinibusque ut plurimum diversis gaudeant, & utantur. Itaque cum ad Terras dictas venissemus, supplicatum ab iis est, ut hanc dubitationem declaratione nostra tolleremus. Cui quidem Supplicationi benigne annuentes, & consilio & consensu Consiliorum nostrorum, primum viva voce, in facie Senatûs & aliorum multorum nostrorum Subditorum, declaravimus ac interpretati sumus, adeoque præsentium vigore declaramus: hoc juramentò, quod Cracoviæ fecimus, Terris quoque dictis Prussiæ, ac eorum hominibus, cujuscunque Status & conditionis, Nos adstringi, nec juribus, immunitatibus constitutionibus, consuetudinibusque eorum quicquam indebitè derogatum: quin potius eadem legitima illorum Jura, illis salva, integra, & illibata conservata velle. Deinde verò, pro majori ejus rei evidentia, hisce quoque literis nostris, hoc idem Juramentum nostrum declarando, bona fide dicimus, & affirmamus, nostram intentionem & mentem unè cum juravimus, eam fuisse, nec alio

sen-



sensu à nobis intellectum esse, quàm & ipsum Juramentum etiam ad Terras Prussiæ pertineret, ipsæque Terræ cum suis Subditis, in illo essent comprehensæ, uti & comprehensas volumus & interpretamur. Hoc item illis cavimus, cavemusquè per præsentis, quòd juxta Privilegium olim Antecessoris nostri CASIMIRI Regis, debeant habere cum reliquis Regnicolis communem electionem & coronationem Regum futurorum, eoque Jure salvo illæso utantur temporibus perpetuis. In cujus rei fidem & testimonium Sigillum nostrum præsentibus est appensum, & manu nostra subscriptum. Datum Thorunii in Comitibus Regni generalibus, die penultima Mensis Novembris Anno Domini Millesimo, quingentesimo, septuagesimo sexto, Regni verò nostri Anno primo.

# CONFIRMATIO JURIUM PRUTHENI- CORUM

à D. JOHANNES III.

Statim post Electionem data,

Anno 1674.

**J**OANNES III. Electus Rex Poloniæ, Magnus Dux Lithvaniæ, Russiæ, Prussiæ &c. Significamus præsentibus Literis nostris, quorum interest universis & singulis. Cum Regum Stipator insuperabilis amor sit, cui stipendium justè clementià penditur, non mirum, quod primam illam & præcipuam suscipimus in amplificationem Majestatis decoram curam, & obligandorum animorum genio nostro congenitam sollicitudinem, ut in spiramentum, quo piè & latè in hoc Regno vivitur, post conservationem patriarum immunitatum & Legum Privilegiorumque per sæcula & magna merita quasitorum & partorum, Gentibus, Provinciis, Civitatibus & cuique pro exigentia Statui, Civibus & populis à DEO Opt, Max, cu-



ræ nostræ commissis (si antehac illis in quopiam derogatum) restituere, vim ac metum malum custodem diuturnitatis amovere valeamus. Quid enim desiderari poterit, si suum cuique constabit Jus, & secuta legibus vallata postliminio redibit libertas, neque sibi exuberante ferocitate ferox, neque omnibus publico incommodò gravis. Ideò ut exordiamur feliciter exordia Regiminis nostri, à beneficentia gubernationem nostram decente, non potuimus accessiorem, & ad nostram Majestatem fidissimum recursum Statuum & Ordinum Terrarum Prussiæ fide semper constantissima & meritorum claritate erga Reges Dominosque suos, & in bonum publicum affectu & rectitudine certantium non admittere, non exaudire, & Regia non complecti Justitia. Utque luculentius constet in cæteros, & in omnes promptitudo nostri animi, & benefaciendi recta determinatio, publico hoc testari & manifestare volumus ad præsens & in ævum. Idipsum etiam ampliori potestate Regia post felicem Deo dante Coronationem nostram solidare & amplificare promittentes, prout etiam testamur & manifestamus, solidamus & amplificamus, hac solenni expressione & determinatione voluntatis nostræ. Quia Nos vigore Juramenti nostri omnia Jura, Privilegia publica & privatorum majorum & minorum Civitatum, etiam usus & observationes boni Ordinis antiquissimas conservare & manutenere, ita ut singula sunt in se verbisque suis sonantia, & prout à Nobis desiderantur juxta sensum illorum, competentiam & æquitatem utilitatem, & conservationem Status, & Antecessorum Nostrorum per Rescripta publica, cautiones & assecurationes mentis voluntatisque expressæ tenorem (non obstantibus neque impediens in contrarium abusu & injuriis Juris, publicis querelis semper invalidatis & illegitimatis) promittimus juxta obloquentiam antiquiorum & recentium Legum, conservabimus & manutenebimus. Præcipue verò & in specie Jus Indigenatûs in largiendis & distribuendis beneficiis in Terris Prussiæ majorum & minorum dignitatum, Officiorum, & muniorum, Spiritualium & Secularium, Capitaneatum & Tenutarum, quæ ad dispositionem judiciumque nostrum Regium devolventur, non nisi veris & legitimis Indigenis, Terrigenis, Terrarum illarum Prussiæ Patriciis benè meritis conferendo & adscribendo observabimus, & inde amovere omnem perturbationem Provin-



vinciæ nostræ studebimus. Saltem pro Domo nostra Regia videlicet descendenti progenie nostræ jam antehac cautâ & observata reservantes, & ut id quoque spontè & liberè fiat, commendantes. Promittimus insuper inde avulsorum conservationis, & juris pariter eorum respectum non remissuros; sed eorum desideriis, & ad Nos legitimo refugio patrocinaturos; securitatique illarum Terrarum & protectioni studium nostrum Regium benignè applicaturos. In cujus rei ad præsens validitatem & fidem, ad felicem Coronationem nostram, ubi hæc omnia uberius, & plena Majestatis autoritate & firmitate sufficienter cavere, & publicò per omnia simili instrumentò solidare iterum promittimus; Sigillò præsentis nostrò Regiò temporis & solennitatum publicarum verbò nostrò Regiò supplendo, circa subscriptionem manus nostræ muniri mandavimus. Datum Varsoviæ Die decimo octavo Mensis Junii, Anno Domini Millesimo, sexcentesimo, septuagesimo quarto, Regni nostri primo Anno. JOANNES Rex.

# JURA & LIBERTATES TERRARUM PRUSSIÆ,

Ab eodem

## D. JOANNE III.

Post Coronationem confirmantur.

Anno 1676.

**I**JOANNES III. Dei Gratiâ Rex Poloniæ, Magnus Dux Lithvaniæ, Russiæ, Prussiæ &c. Significamus præsentibus Literis nostris quorum interest universis & singulis. Cum Regum Stipator insuperabilis amor sit, cui stipendium justè clementiâ penditur, non mirum, quòd primam illam & præcipuam suscipimus amplificationem Majestatis decoram curam, & obligandorum animorum genio nostro congenitam sollicitudinem, ut in spiramentum, quo piè & lætè in hoc Regno vivitur, per conservationem patriarum immunitatum & Legum Privilegiorumque per sæcula & magna merita



quæſitorum & partorum, Gentibus, Provinciis, Civitatibus & cuique pro exigentia Statui, Civibus & populis à DEO Opt. Max. curæ noſtræ commiſſis (ſi antehac illis in quopiam derogatum) reſtituere, vim ac metum malum cuſtodem diuturnitatis amovere valeamus. Quid enim deſiderari poterit, ſi ſuum cuique conſtabit Jus, & ſecura legibus vallata poſtliminio redibit libertas, neque ſibi exuberante ferocitate ferox, neque omnibus publicò incommodò gravis. Ideò ut ordiamur feliciter exordia Regiminis noſtri, à beneficentia gubernationem noſtram decenſe, non potuimus acceſſionem, & ad Maieſtatem noſtram fidiffimum recurſum Statuum & Ordinum Terrarum Pruſſiæ fide ſemper conſtantiffima & meritorum claritate erga Reges Dominosque ſuos, & in publicum bonum affectu & rectitudine certantium non admittere, non exaudire, & Regia non complecti Juſtitia. Utque luculentius conſtet in cæteros, & in omnes promptitudo animi noſtri, & benefaciendi recta determinatio, publico hoc teſtari & manifeſtare Documentò voluimus ad præſens & in ævum. Idipſum etiam ampliori poteſtate noſtra Regia poſt felicem Coronationem noſtram ſolidare & amplificare promittentes, prout etiam teſtamur & manifeſtamus, ſolidamus & amplificamus, hac ſoleni expreſſione & determinatione voluntatis noſtræ. Quia Nos vigore Juramenti noſtri omnia Jura, Privilegià publica & privatorum majorumq; & minorum Civitatum Terrarum Pruſſiæ etiam uſus & obſervationes boni Ordinis antiquiſſimas conſervare & manuteneſe, ita ut ſingula ſunt in ſe verbisque ſuis ſonantia, & prout à Nobis deſiderantur juxta ſenſum illorum competentiam & æquitatem utilitatem & conſervationem Statùs, & Anteceſſorum Noſtrorum per Reſcripta publica, cautiones & Aſſecurationes mentis voluntatiſq; expreſſum tenorem non obſtantibus neq; impediētib; in contrarium abuſu & injuriis Juris, publicis querelis ſemper invalidatis & illegitimiſtis promittimus juxta obloquentiam antiquiorum & recentium Legum, conſervabimus & manutenebimus. Præcipuè verò & inſpecie Jus Indigenatùs in largiendis & diſtribuendis beneficiis in Terris Pruſſiæ majorum & minorum dignitatum, Officiorum, & muniõrum, Spiritualium & Secularium; Capitaneatum & Tenutarum, quæ ad Diſpoſitionem Judiciumque noſtrum Regium devolventur, non niſi veris & legitimiſtis indigenis, terrigenis Terra-



rum illarum Patriciis benè meritis, conferendo & adscribendo observabimus ut inde amovere omnem perturbationem Provinciæ nostræ studebimus, saltem pro Domo nostra Regia videlicet descendens Progeniei nostræ, jam ante hac cauta & observata reservantes, & ut id quoque spontè & liberè fiat commendantes. Promittimus insuper inde avulorum conservationis & juris pariter eorum respectum non remissuros, sed eorum desideriis & ad Nos legitimò refugio patrocinatorum. Porro prout Sereniss. Antecessor noster MICHAEL, in Privilegio Confirmationis Jurium Venerabilis Capituli Ecclesiæ Cathedralis Varmiensis, de dato Varsoviæ, feria sexta ante Dominicam Rogationum Anno Dom. 1672. subscripto, concessit; Jurium ejusdem Venerabilis Capituli integritati cavendo, dicto Privilegio, punctum de non admittendis ad eandem Ecclesiam Cathedralē beneficiaque Canonicatus extraneis personis inferi mandavit, ita & Nos legibus Regni atque prædictæ Cautioni, Declarationique Serenissimi Antecessoris nostri, ut Terrarum Prussiæ Juribus conformi, inhærendo, nostra quoque ex parte cavemus, promittimusque, quòd post extincta modernorum Extraneorum quorumvis Canonicatum possessorum & Ecclesiasticarum possessionum circa Ecclesiam Cathedralē Varmiensem Jura. Nullus Natione & origine extraneus, præterquàm Regni & Terrarum Prussiæ, Dominorumque nostrorum terrigenæ & personæ, ad eosdem Ecclesiæ Cathedralis Varmiensis Canonicatus, quòvis modò & Juris prætextu, in Mensibus Juris Patronatus & collationis, S. Sedis Apostolicæ & Capitularium juxta concordata Germaniæ vacantes & vacaturos admitti debeat, aut possit. In cujus rei fidem præsentibus manu nostra Regia subscriptas, Sigillò Regni muniri mandavimus. Datum Cracoviæ in Conventu Generali, felicitis Coronationis Nostræ, Die quarto Mensis Maji Anno Domini Millesimo, sexcentesimo, septuagesimo sexto, Regni nostri secundi: JOANNES Rex. J. Stan. Witwicki Regens Cancell. Regni.



## JURI INDIGENATUS

TERRARUM PRUSSIÆ

D. JOANNES III.

Singulari DIPLOMATE cavet.

Anno 1682.

**J**OANNES III. Dei Gratiâ Rex Poloniae, Magnus Dux Lithvaniae, Russiae, Prussiae, Masoviae, Samogitiae, Kijoviae, Volhyniae, Podoliae, Podlachiae, Livoniae, Smolensciae, Severiae, Czerniechoviaeque. Significamus praesentibus literis nostris, quorum interest universis & singulis. Tanta est Regum & Principum Vicaria Supremae illius Munificentiae, ac planè æmula liberalitas & clementia, ut quiescere nesciat, donec fidelium Subditorum suorum Vota & desideria non solum adimpleat vel satiet, sed praeveniat & superet. Hinc Divinus ille & Heroicus imperantium Animus, etiam post domitas gentes, compressam hostium superbiam, ampliatas gloriose Ditionum regiones, adhuc non angustum sed angustum se esse existimat, nisi subjectos sibi populos auctione Jurium, Privilegiorum, Libertatum, immunitatum & praerogativarum cumulet, Majestatis & Clementiae principale nomen daturus, & ad posteriores transmissurus. Unde accedentibus ad Nos à Statibus, & Ordinibus Terrarum Prussiae ex Conventu Generali Mariaburgensi Ablegatis & per solennem suam ad Majestatem nostram Legationem nomine totius Conventus Jura provincialia publica earundem Terrarum praecipue Jus speciale & cardinale primitivum & primarium Indigenatus à Majoribus suis, ob fortitudinem eorundem, fidemque Divis olim Praedecessoribus nostris, in debellatis Crucigeris, dominioque ipsorum excessu, inque spontanea ad corpus Reipublicae accessione, amplissimorumque bonorum Capitaneatum, Tenutarum & facultatum ad Dispositionem Regiam, Justitiamque distributivam abscissione & resignatione probatum, partum, meritum & evictum, ab iisdem, que



que Majoribus ad ipsos derivatum, devolutum, & tot sæculis conservatum deducentibus, supplicantibusque ut eadem Jura provincialia, sed præcipuè Jus memoratum & Privilegium Indigenatus, cujus vigore, vacantia omnes in Terris Prussiæ Indigenis tantum & Nobilibus Prussicis conferri debeant; Regia nostra autoritate firmare dignaremur. Nos itaque, cum nihil in Artibus regnandi potius habeamus, quàm amore populorum & justitiâ Regiminis, cujus pars est, æqua & competens præmiorum distributio, Thronum nostrum firmare, justæ ejusdem Conventûs Terrarum Prussiæ Supplicationi per ablegatos factæ benignè annuentes omnia & singula Jura, Privilegia, immunitates, prærogativas cautiones, Rescripta per Serenissimos Antecessores Terris & Civitatibus Prussiæ, singulariter autem super Indigenatum data, collata, & concessa, tenore & vigore præsentis Diplomatis nostri confirmamus & approbamus; eademque Jura omnia præcipuè tamen Jus & Privilegium Indigenatûs iisdem Terris ac Civitatibus Prussiæ antiquitus serviens, in omnibus punctis clausulis, articulis, prout in se sonant, existunt ac exprimuntur, tueri, defendere & manutenere fide Regia spondemus & promittimus, quòd dignitates, officia, beneficia, Castra, Tenutas Civitatum, pagorum, omniaque bona in Terris Prussiæ ubique locorum consistentia, Justitiæ distributivæ subjecta, vacantia, & vacatura juxta obloquentiam eorundem Jurium, non nisi veris propriis & indubitatis Indigenis & terrigenis eorundem Terrarum & Civitatum Prussiæ ibidem genere natis & degentibus de nobis & de Republica benè meritis dabimus, & conferemus. His verò contrarias collationes à DD. Prædecessoribus nostris, vel à Nobis antiquitus vel pridem, non tamen in eum finem ut Juribus Terrarum Prussiæ in quopiam præjudicare possint, sed quia iisdem Juribus adversari & derogare non censebantur, factas, in sequelam, exemplum & allegationem à nemine trahi, prout jam specialibus cautionibus & Rescriptis à Nobis Antecessoribusque Nostris declaratum est, cavemus & declaramus præsentibus in perpetuum duraturis. Datum Javoroviæ, Die vigesimo Mensis Martii, Anno Millesimo, sexcentesimo, octogesimo secundo, Regni nostri octavo anno. Præsentibus Reverendis, Magnificis & Generosis, Stanislaŏ Witwicki Kyoviensi & Nominato Luceoriensi, Camenecensi, Episcopis, Potocki Cracoviensi, Vladislao Dönhoff Po-



meraniæ, Palatinis. Wladislao Los Culmensi Castellano Joanne Gninski Regni. Dominico Radziwill Duce in Szydlowiec Magni Ducatus Lithvaniæ Pro-Cancellariis. Andrea Morfztyn Supremo. Joanne Carolo Danilowicz Curia Regni Thesaurariis. Andrea Zaluski Secretario R. Majore & Serenissimæ Regina Consortis nostræ Charissimæ Cancellario. Marco Matczynski Stabuli, Francisco Galecki Culinæ Regni Supremis Præfectis Dönhoff Vitoviensi, Ignatio Gninski Coronov. Abbatibus Hieronimo Lubomirski Equite Meliteni, Vexillifero Regni. Stanisla Krajewski Cancellariæ R. Maj. Regente. Adamo Sarnowski Præposito Lancienfi, Cubiculi nostri Notario & Secretario intimo. Casimiro Zawadzki Succamerario Mariæburgensi. Stanisla Szczuka Pocillatore Vilnensi. Stanisla Niewieścinski Secretariis nostris aliisque pluribus Officialibus & Secretariis nostris ad præmissa Testibus fide dignis. JOANNES Rex. Stanislaus Szczuka Pocillator Vilnensis R. M. Secretarius,

D I P L O M A  
JURIS INDIGENATUS  
TERRARUM PRUSSIÆ,  
CONFIRMATORIUM  
à Serenissimo ac Potentissimo Principe,  
D. D. AUGUSTO II.  
POLONIARUM REGE,  
1699.

**A**UGUSTUS II. Dei Gratiâ Rex Poloniæ, Magnus Dux Lithvaniæ, Russiæ, Prussiæ, Masoviæ, Samogitiæ, Kijoviæ, Volhyniæ, Podoliæ, Podlachiæ, Livoniæ, Smolensciæ, Severiæ, Czerniechoviæque, nec non hæreditarius Dux Saxonæ & Princeps Elector. Significamus præsentibus Literis nostris, quorum interest universis & singulis. Si unquam vetera instituta, & primæva Jura,

fir.



firmius tueri & manutenere Regiæ incumbit curæ & protectioni, profectò vel maximè ea, quæ antiquissimis firmantur Privilegiis, solennissimis Regum nituntur sponsonibus, & diplomatibus ac legibus ipsis stabiliuntur, & quæ Majorum prudentia contra temporum iniquitatem, contagionem ambitus, ac morum corruptelam tanquam duratura jecit fundamenta. Hinc avitum Jus Indigenatus Pruthenici, vetustissimis cum Divis Prædecessoribus nostris ac Republica subnixum & fundatum compactatis, declarationibus, & cautionibus, Regiis ac præcipuè Privilegio incorporationis, uti Jus speciale, cardinale, primitivum & primarium, roboratum Constitutionibus publicis Anno 1638. & 1647. ab universa Republica sancitis, denique Pactis conventis nostris inviolabiliter munitum, tantò pronius in tuitionem nostram suscipimus, quantò luculentius Nobis constat veteres Pruthenos, immortalis gloriæ avidos succedaneis Posteris, hanc prærogativam Indigenatus, retroactis sæculis, excussò immani Crucigerorum jugò, profligata eorundem Tyrannide, cruentò profusi sanguinis diluviò, funestò magnarum Prosapiarum excidiò propter spontaneam ad corpus Reipubl. accessionem, amplissimorumque bonorum Episcopatum, Palatinatum, Capitaneatum, Tenutarum, aliarumque facultatum ad dispositionem nostram, Regiam justitiamque distributivam devolutionem quævisse, meruisse, ac evicisse, & tot vergentibus Annis, continuò Zelò, ac non interrupto ardore firmiter propugnasse ac defendisse. Quandoquidem verò insurgente contra hoc idem Jus cardinale indigenatus Pruthenici vasto & inani ambitu, per tot dispendia publicæ rei, diffidentiarum incommoda, & abstrusa quoque molimina, toties repetitis rupturis Conventuum publicorum, cuncta discordiis civilibus fessa, & semota è Conspectu Ordinum publica Statùs tranquillitate, turbata erant omnia. Proinde accedentibus ad Nos Nunciis Terrestribus, à Statibus & Ordinibus Terrarum Prussiæ ex Conventu Generali Grandnentiensi pro nuperis Regni Generalibus Comitibus ablegatis, solennibus Supplicationibus, ut Jura Provincialia publica, præsertim Jus avitum Indigenatus (cujus vigore omnes vacantia tam Spirituales quàm Seculares in Terris Prussiæ Indigenis tantum Pruthenis ibidem gentis & degentibus deferri debent) Regia nostra autoritate protegeremus, redintegraremus, vindicaremus, & secuturis temporibus



in pleno robore & vigore conservaremus. Nos itaque insistendo antiquissimo Privilegio Incorporationis, Diplomatribus Sereniss. Prædecessorum nostrorum tum Legibus publicis ac Pactis Conventis, obviando denique omnibus in futurum consequentiis fatalem confusionem, ac malorum seriem post se trahentibus, & periculorum ambitum è diametro Juribus Indigenatûs repugnantem restringendo, non tantum hæc eadem Jura, Privilegia, & immunitates tanto sudore & sanguine Majorum partas prærogativas, cautiones, Rescripta Terris & Civitatibus Prussiæ, singulariter autem super Indigenatum data, collata & concessa, tenore & vigore præsentis Diplomatis nostri conservanda, confirmanda & ratificanda esse duximus: Prout in omnibus punctis, clausulis & articulis, ut in se sonant conservamus, confirmamus, & ratificamus, sed & in super fide Regia spondemus, cavemus, & promittimus, quòd Dignitates tam spirituales quàm seculares, Officia, Beneficia, Castra, Tenutas Civitatum & pagorum: omniaque bona in Terris Prussiæ ubique locorum existentia justitiæ distributivæ subjecta, vacantia & vacatura juxta obloquentiam eorum Jurium non nisi veris, nativis, propriis & indubitatis Indigenis & Terrigenis earum Terrarum Prussiæ ibidem genitis & degentibus, de Nobis & Republica benemeritis dabimus & conferemus. Idque sub nullitate Privilegiorum nostrorum, & nominationum, ipsaque incapacitate super secus obtinentes: Ad extremum contrarias à D. D. Prædecessoribus nostris vel nobismet ipsis factas collationes in sequelam, exemplum & allegationem à nemine trahi debere; nec in quopiam Juribus indigenatûs præjudicare posse, vel derogare, firmiter cavemus & declaramus, præsentibus Literis nostris in ævum perennaturis. In cujus rei fidem præsentem manu nostra subscriptas Sigillò Regni communiri jussimus. Datum Warfaviæ Anno Dom. Millesimo, sexcentesimo, nonagesimo nono.

# DIPLOMA

## RATIFICATIONIS FOEDERIS PERPETUI



Welaviæ initi & Feudi in Districtus Leoburgensem  
 simul & Bythoviensem Serenissimo FRIDERICO WILHELMO,  
 Marchioni & Electori Brandenburgico, datum Bidgostię die  
 sexta Mensis Novembris Anno Domini 1657.

**N**os itaque JOANNES CASIMIRUS, Rex Poloniae, Magnus Dux  
 Lithvaniae, Russiae, Prussiae, Masoviae, Samogitiae, Livoniae, Smo-  
 lensciae, Czerniechoviaeque, nec non Svecorum, Gottorum, Vanda-  
 lorumq; Rex hereditarius. Testamur praesentibus pro Nobis Succes-  
 soribusque nostris Regibus & Regno Poloniae ac Magno Ducatu Lith-  
 vaniae, Nos universa & singula Capita Pactis superscriptis comprehen-  
 sa, bona fide ex Senatus Consulto approbamus, confirmamus & rati-  
 habemus: Promittentes verbo Regio & sub fide praestiti, tam a No-  
 bis quam Consiliariis nostris Officialibusque Lateri nostro assiden-  
 tibus Juramenti, Nos praedictis Pactis post haec constanter inhæsu-  
 ros, curaturosque, ut omnia & singula Pactorum capita, quae a no-  
 stra parte, ac Reipublicae Poloniae nomine promissa sunt, sanctè & reli-  
 giosè observentur, imò impedituros, ne a quopiam violentur. Et  
 quoniam nonnulla ad Nos in negotio Conjunctionis Armorum & aliis  
 remissa sunt, atque super iis sequenti ratione inter Nos & Serenissi-  
 mum Principem Electorem super memoratum conventum est, modò  
 infra scriptò, ea secundum Conventionem initam addimus, illaque  
 eandem vim atque vigorem cum superioribus articulis ex Senatus  
 Consulto habere volumus, atq; hisce tribuimus, pollicemurque ea-  
 dem fide jurata, in proximis comitiis, omnia quae superioribus arti-  
 culis continentur & quae hic sequuntur, omnium ordinum consensu  
 confirmatum & ratihabitum iri. Igitur propè perpendentes, tum pe-  
 ricula, quae suae Serenit. Electorali Terrisque ipsius, per ipsam sepa-  
 rationem a partibus Svedicis immineat, tum quanti intersit Nostra  
 atque Reipubl. Vicinum Nobis Principem justis devincire modis, tum  
 inprimis quanta quamque utilia Nobis Regnoque Poloniae, per effe-  
 ctivam & actualem armorum nobiscum conjunctionem, praestare  
 sua Serenitas Electoralis deinceps possit officia, tam belli, quam pacis  
 tempore. Ad demonstrandam praeterea singularem praetensionem no-  
 stram, Regnique nostri erga suam Serenitatem Electoralem, Ejusque  
 Domum inclytam, Suae Serenitati Electorali, ejusdemq; posteris ma-



sculis ex legitimo thoro descendentibus, pariter ex Senatus Consilio & Consensu D.D. Consiliariorum tam spiritualium, quàm secularium Regni nostri, duas Præfecturas Leoburgensem & Bythoviensem, cum omnibus & singulis eorum Vassallis, fructibus, libertatibus, eminentiis, censibus, proventionibus, juribus, & pertinentiis universis tenendas, habendas, fruendas, utendas, & possidendas in perpetuum jure feudi; pro Nobis & Successoribus nostris Regibus Poloniæ dedimus, concessimus, ac illum de eis ipsis arcibus & oppidis Bythow, & Lauenburg, investivimus & tenore præsentium damus & concedimus, & investimus, Officiarios nostros, & Incolas quoscunq; ibidem Juramentis & Subjectionibus, quibus hactenus Nobis & Reipublicæ obstricti fuerant, hoc ipso exsolventes. Præterea de ampliori gratia & benevolentia nostra, Serenitatem Ejus, ac Illius Hæredes, ab omni Juramento, nec non tributis & exactionibus, quibuscunque Nobis & Posteris nostris, ratione dictarum arcium & oppidorum præstandis dimittimus, & liberos facimus, prout olim à Ducibus Pomeraniæ eadem Præfecturæ Bythow, & Lauenburg, tenebantur. Pollicemur præterea pro Nobis & Successoribus nostris, dictum Sereniss. Principem, & ejus Hæredes in prædictis Arcibus & earum pertinentiis, quantum in nobis est, defendere ac tueri. Tenebitur autem & obligatus esse debet, præfatus Sereniss. Elector ejusque Successores ad singulas Successorum nostrorum Regum Poloniæ Coronationes, Consiliarios aut Officiales suos mittere, qui hoc ipsum Jus feudale ex præfatis Arcibus & oppidis, ad Regnum pertinens recognoscent & literas ejus recognitionis & renovationis feudi, quæ gratis illis debent dari, à novis Regibus accipient. Quòd si aliqua legitima Causa impediet, ut hoc officium & Debitum in Coronationibus Successorum nostrorum non fecerint, nihil ea negligentia illis detrimenti afferri debet, dummodò alio brevi tempore post Coronationem id præstare curaverint. Ubi verò Serenissimus Princeps D. Fridericus Wilhelmus Marchio & Elector Brandenburgicus, in Prussia Dux &c. sine legitimis masculis feudi hæredibus, vel eorum legitimi masculi feudi hæredes non relicta prole virili decederent, stirpsque & progenies eorum mascula & legitima deficeret, ex tunc prædictæ Arces & oppida Bythow, & Lauenburg, cum omnibus suis bonis, subditis, Vassallis, fructibus, libertatibus, juribus, eminentiis & pertinentiis universis, ac

cum



cum pleno jure & possessione, citra omnem difficultatem ad Nos & posteriores nostros Reges Poloniae redibunt. Et siquidem ad præsens Præfecturæ istæ à Donatariis nostris possidentur ideo usum fructum ante hanc cessionem ipsis debitum, atque quicquid Juris in illis habuerint unquam, alia ratione, dignisque modis compensabimus, ita ut vacua omnino possessio & plena fructuum perceptio suam Seren. Electorali, ex hoc ipso tempore manere, nec quisquam Ipsi ratione satisfactionis suæ negotium facessere debeat. Jurisdictio Episcopi Vladislaviensis in Templis Catholica Sacerdotesque, integra maneat, proventus videlicet, Decimæ, Census, & si qui sint alii, Parochis & Ecclesiis suis extradentur & renuentes ad extradendum à Præfectis ejusdem Serenitatis cogentur. Causæ tam Nobilium quàm & Plebejorum Matrimoniales, ad forum Ecclesiasticum pertinebunt. Nobilitas Juribus, Privilegiis, Bonisque suis eodem modò ac sub immediato Dominio nostro utebatur, utetur, fruaturque sub sua Serenitate Electorali. Decreta rerum judicatarum, prout sub immediato Dominio nostro lata sunt, inviolata maneant: gubernationis & Appellationum ratio eadem erit, quæ fuit sub Ducibus Pomeraniæ, salvis Privilegiis. Jura Patronatus Regia reservantur Ejus Serenitati Electorali, & Nobilibus, si quæ habent, juxta Privilegium & usum eorundem, ita tamen, quòd juxta declarationem, circa hanc conventionem ab Ejus Serenitate factam, ad Ecclesias Catholicas Parochiales præsentabit Ejus Serenitas Electoralis Sacerdotes Catholicos, ad commendationem Episcoporum Vladislaviensium, ab iisdem Episcopis Vladislaviensibus instituendos, ita, ne Ecclesia duorum Mensium spatium vacare possit &c,

*Reliqua negotium Elbingense spectant.*

*Premissum Pactum Feudi in Comitibus Generalibus Anno Domini 1658. Die 10. Julii, Warsavia celebratis Ordines Regni approbârunt. Vide Constit. ejusdem Anni. Fol 3.*



**JURIBUS  
DISTRICTUUM  
LEOBURGENSIS & BYTHOVIENSIS  
A Terris Prussiæ avulsum  
à D. JOANNE CASIMIRO,  
Rege Poloniæ & Republica in Comitibus Warsaviensibus  
Die 17. Mensis Martii, Anno 1659 celebratis, his prope  
Verbis cavetur.**

**C**um propter integritatem Reipublicæ, Districtus Leoburgensis & Bythoviensis Sereniss. Electori Brandenburgico per Pacta Conventa in Præcedentibus Comitibus approbata, in feudum cesserunt. Idcirco ne per hanc alienationem Incolæ eorundem Districtuum Status Equestris in præminentis suis mutationem aliquam patiantur: Annuendo desideriis Nunciorum Palatinatus Pomeraniæ prout dictorum Incolarum immunitatibus in Pactis Conventis sufficienter jam cavimus, ita & nunc Rescriptum nostrum Posnaniæ die 19. Mensis Decembr. Anno 1657. ex minori Cancellaria nostra extraditum, aliasque omnes, nominatis Districtibus, hoc nomine datas Affecurationes & Declarationes nostras, autoritate præsentis Conventus in toto approbamus, Illos circa antiquas libertates, honores, prærogativas, consuetudines, & Bonorum Terrestrium uti hæreditariorum Allodialium liberam dispositionem prout in Regno, ab immediata Incorporatione utebantur, conservando. Hinc inscriptiones authenticæ & manuales, contractus, intercisæ, & quævis publicæ & privatæ transactiones, processus, Decreta quævis, ac Tribunalia suum robur & valorem habebunt, & in casu amissorum vel quovis modo amittendorum Bonorum Terrestrium, liberum Illis illorumque posteris, ad Nos & Rempubl. recursum præcavimus. Salvo Jure Bonorum & Personarum Ecclesiæ Catholicæ, quorum usus, ut & exercitium Religionis cum plena, prout ante, Jurisdictione Episcopali, Jure Patronatus cui de Jure competit, absque ullo impedimento in toto conservari debet.

*Vide Conflic. Anno 1659. fol. 32. Tit. Securitas Jurium &c.*



# JURA DISTRICTUUM

## LEOBURGENSIS & BYTHOVIENSIS

Etiam à Serenissimo

## MICHAELE,

Poloniarum Rege simul cum Juribus Regni & Magni  
Ducatûs Lithvaniæ ac Provinciarum annexarum con-  
firmantur hic verbis.

**Q**uamobrem motu proprio, animoque deliberatò, pro more & consuetudine Divorum Antecessorum nostrorum Poloniæ Regum & Magnorum Ducum Lithvaniæ omnia Privilegia, Inscriptio- nes, Donationes, Advitalitates, Libertates, prærogativas, & immu- nitates Regni Poloniæ & Magni Ducatûs Lithvaniæ, Russiæ Prussiæ, Masoviæ, Samogitiæ, Kijoviæ, Volhyniæ, Podlachia, Livoniæque, ut ET INSPECIE DUCATUS PRUSSIÆ LEMBURGI, & BYTHOVIE, juxta jura sua &c.

*Vide Constit. Anni 1670. tit. Confirmatio. fol. 5.*

*His ipsis verbis Sereniss. JOANNES III. jura Regni & Pro- vinciarum annexarum, inspecie quoque Leoburgensium ac Bythoviensi- um confirmat. Constit. Anno 1676. tit. Confirmatio. fol. 7.*

Qui hodiè feliciter imperat Serenissimus AUGUSTUS II. in Con- firmatione Generali Jurium, iisdem verbis utitur & exemplò D. D. Prædecessorum Suorum JOANNIS CASIMIRI, MICHAELIS, & JOANNIS III. Juribus Leoburgensibus & Bythoviensibus inspecie cavet.

IN PACTIS CONVENTIS idem Serenissimus Rex ut Jura, Privilegia & immunitates Districtuum Leoburgensis & Bythoviensis, tam Spirituales, quàm Seculares, prout per omnia sub immediato Dominio Regni iisdem utebantur, ut juxta Jura & Constitutiones Regni conserventur, se attenturum, & quatenus illorum Districtuum



Incolæ Equestris Status ultra consensum Laudi in Conventibus suis contributionibus non aggraventur, Authoritatem suam Regiam ad Serenissimum Electorem Brandenburgicum, Sacra Regia Majestas interposituram spondit.

*Vid. Constit. Anni 1697. fol. 8. tit. Confirmatio. Et Pacta Conventa ante sancita ejusdem Anni 1697 & Anni 1699. ut & in Pro-  
parcie General. Confoeder. Sandomir. Anno 1710. impressa.*

# JURIBUS DISTRICTUUM LEOBURGENSIS & BYTHOVIENSIS SERENISSIMUS AUGUSTUS II. REX

Et Respublica iterum cavet.

**Q**uamvis manutentionem Jurium, Libertatum & immunitatum Incolis Districtuum Leoburgensis & Bythoviensis Equestris status in Pactis conventis sufficienter caverimus; nihilominus ad enixam Nunciorum Terrestrium Prussiæ instantiam Authoritate præsentis Conventus Constitutionem Anni 1659. reassumimus. Idque pro majori Securitate eorundem Incolarum, quò circa antiquas libertates, honores, prærogativas consuetudines & inviolatam bonorum terrestrium possessionem, liberamque illorum dispositionem, tum quoque circa Judicia Terrestria, Castrensia, & Tribunalia cum Officialibus loci illius in integro maneant, ac in omnem casum alicujus pressuræ vel periculi, liberum illis; eorumque posteris juxta mentem prætactæ Constitutionis ad Nos & Rempublicam recursum reservamus.

*Vide Constit. Anni 1699. fol. 35. tit. Utwierdzenie  
Securitatis &c.*

